

## प्रकाशतिवाक्य यूहन्ना के द्वारा प्रकाशतिवाक्य यूहन्ना अन्द द्वारा परचिय

प्रकाशतिवाक्य अन ई कतिाब व्हाशोद नयिम इन आखरी कतिाब हुन अदकि अद आखरी दा लखिसकु आग्याद प्रेरति यूहन्ना यीशु उन जनम इन बाद्दा इसवी सन १५ इन हात्तीपास लखिसकु आग्याद. १:१ अदकि आवा यूहन्ना रचति खुशखबरी अदकि यूहन्ना अन्द कतिाब १, २, ३ लखिस्यान. ईवा यूहन्ना अक लांकुर यार मा यीशु उन प्यार ईरोद हगि माताळकु अरू तोगोर यूहन्ना १३:२३ यीशु मसीह अन खुशखबरी इन पातमा हेसुर इन टापू मा याग सजा कडोन आग आव ईद कतिाब लखिस्यान. प्रकाशतिवाक्य १:१

ईद कतिाब लखिसोद हींद यूहन्ना अन्द ईद उद्देश ईरोद की नानोर वाचुसावाळेर इक यीशु उन सांगुळ वशिवास दा ईरोरसाटी हम्मत कोळोद अदकि यीशु उन मात्त वापस बरोद हात्ती ईरोद इदुरसाटी आऊंदा आशा नरिमाण माळी. १:३२२:७ आव सप्पा वशिवासीगोळ इक ईद चट्ठी लखिसदुन वशिष माळकु येळ मंडली इक लखिसदुन यऊर्द उल्लेख अध्याय २३ दा सीकतद, यूहन्ना खुद इन लखावट इक परमेश्वर उन दी टु बंदाद बातणी, भवषियवाणी हगि हेळतद. अदकि जो मातगोळ इक आव खुद नोळदुन आ मातगोळद वर्णन अद अलंकारी शब्द देल मीलसतद ईद जो कतिाब आद ईद हाळोद नयिम इन भागगोळ देल मीलता जुलता आद. वशिष माळकु जकर्याह ६:१-८ आयातगोळ से अदुरद समानता आद हांग अच येळ तुतारी अदकि येळ कटोरा ईव परमेश्वर मसित्तर दा तंदुन आ दुखगोळ घाई आव. नरिगमन ७:१ प्रकाशतिवाक्य आखरी दनिगोळद

वर्णन माळतद. आखरी दा यीशु वजियी ह्यांग आदान अदकि आऊन मा वशिवास ईटावाळेर आऊन सांगुळ अनन्त काल ताका ह्यांग जीवीत ईत्तार हगि आव हेळतान ईद कतिब इन द्वारा नीमी शक्ति सकिल अदकि यीशु उन दुबारा बरोर साटी नीमी आशा सकिल.

रूप-रेखा

१. यूहन्ना सुरूवात दा खुद इन पयचान माळकु आऊक भवषियवाणी ह्यांग हासलि आत ईद हेळकु सुरूवात माळतान प्रकाशतिवाक्य १:१-२०
२. यीशु उन दी टु येळ मंडली इक मुंद सकिद बातणी यूहन्ना कोळतान. प्रकाशतिवाक्य १:१-३:२२
३. बाक आव येळ सकिकागोळ्द बारा दा हेळतान प्रकाशतिवाक्य ४:१-८:५ अदकि येळ तुतारीगोळ्द वर्णन माळतान. ८:६-११:११
४. ईदुर बाद्दा यूहन्ना ऊंद स्याण पार येळ ताल्लावाळा हाव सांगुळ ह्यांग लळाई माळतान ईद हेळतान. १२:१-१४:२०
५. ईदुर बाद्दा यूहन्ना सटिट इन कटोरा अन बारा दा लखिसतान १५:१-१६:१८
६. ईदुर बाद्दा परमेश्वर आऊन आकाश दाकळोर दुश्मनगोळ मा ह्यांग वजिय हासलि माळतान ईद हेळतान. प्रकाशतिवाक्य १७:१-२०:१५
७. जो व्हाशोद स्वर्ग अदकि व्हाशोद पृथ्वी आखरी दा बंदीत अदुरद वर्णन माळतान. प्रकाशतिवाक्य २१:१-२२:२१

1 यीशु मसीह अनद प्रकाशतिवाक्य, जो आऊक परमेश्वर इदुरसाटी कोटान कति तान दासगोळी आ मातगोळ, यऊरुद राटनेरी आगोद जरूरी आद, तोरसुल; अदकि आव तान स्वर्गदूतगोळ इक कळुकु आऊन द्वारा तान दास यूहन्ना अक हेळदुन, 2 यूहन्ना परमेश्वर उन वचन अदकि यीशु मसीह अनद

गवाही, मतलब जो येनारा आव नोळीदुन अदुरद गवाही कोट्टुन. 3 धन्य आन आव जो ई भवषियवाणी इन वचन इक वाचुसतान, अदकि आंदुर जो केळतार अदकि इदुर दा लखिसद मातगोळी मान्सतार; यतकी समय हात्ती आद.

### येळु मंडलीगोळ्द अभवादन

4 \*यूहन्ना अन्द दी टु आसया अन्द येळ मंडलीगोळ्द हेसुर:

आऊन दी टु जो आन अदकि जो ईरोन अदकि जो बरावाळा आन; अदकि आ येळ आत्मागोळ दी टु जो आऊन सहासन इन मुंद आन, 5 अदकि यीशु मसीह दी टु जो वश्वासयोग्य गवाह अदकि सोत्तुर दा टु जीत्ता आगावाळेर दा पयला अदकि पृथ्वी इन राजागोळव न्यायाधीश हुन, नीमी अनुग्रह अदकि शांती सकितेला ईरूल.

आव नाम से प्यार ईटतान, अदकि आव तान रक्ता अन द्वारा नामी पापगोळ देल बळिसुस्यान, 6 \*अदकि नामी ऊंद राज्य अदकि तान आप्प परमेश्वर उन साटी याजक भी माळ बुट्टुन; आऊंदा महमा अदकि पराक्रम हमेशा ईरूल. आमीन.

7 \*नोळी, आव बादलगोळ सांगुळ बरावाळा आन, अदकि हर ऊंद कण्ण आऊक नोळीत, उलटा यार आऊक छेद केळदीदुर आंदुर भी आऊक नोळ्यार, अदकि पृथ्वी इन सप्पा जाती आऊन कारण याददा बळदार. हव. आमीन.

8 \*प्रभु परमेश्वर, जो आन अदकि जो ईरोन अदकि जो बरावाळा आन, जो सर्वशक्तमान आन, ईद अनतान, “ना अच पयला अदकि आखरी हुईन.”

### यूहन्ना अक मसीह अन्द दर्शन

\* 1:4 १:४ प्रकाशतिवाक्य ४:५ \* 1:6 १:६ प्रकाशतिवाक्य ५:१० \* 1:7 १:७ मत्ती २४:३०; मरकुस १३:२६; लूका २१:२७; १ थसिसलुनीकी ४:१७; यूहन्ना १९:३४,३७; मत्ती २४:३० \* 1:8 १:८ प्रकाशतिवाक्य २२:१३

9 ना यूहनना, जो नीम वार्ड अदकि यीशु उन क्लेश अदकि राज्य अदकि धीरज दा नीम सहभागी आईन, परमेश्वर उन वचन अदकि यीशु उन गवाही इन कारण पतमुस हेसुर इन टापू दा ईरीन. 10 ना प्रभु उन दिन आत्मा दा होटबंदीन, अदकि तान हदि तुरही घाई धोळ्द शब्द ईद अनतेला केळदीन, 11 “जो येनारा नी नोळत्या अदरी कतिब दा लखिसकु येळु मंडलीगोळ्द हात्ती कळुबुळ, मतलब इफसिस, स्मुरना, परिगमुन, थुआतीरा, सरदीस, फलिदलिफिया, अदकि लौदीकिया अक.”

12 आग ना आऊक, जो नान से माताळोन, नोळोर साटी तान मार्रा तरिगुसदीन; अदकि हदि तरिगु ना व्हानना अन्द येळ दगिया ईटोद जागा ऊंद जागा नोळदीन, 13 अदकि आ दगिया ईटोद जागा अन्द न्याड्या दा मंळसा अन पार उन घाई ऊंद आरी इक नोळदीन, जो काल ताका फळक्या हाक्कु, अदकि याद्दा मा व्हानना अन्द पट्टा कटकु ईरोन. 14 आऊन ताल्ला अदकि चुट्टी बळिव ऊन बल्की पाला अन घाई चमकदार ईरव, अदकि आऊन कण्णगोळ बेक्की इन ज्वाला अन्द घाई ईरव. 15 आऊन कालगोळ वळ्लीद पीतळा अन घाई ईरव जसा हगि हतव कि भट्टी दा सेक्सकु आग्याव, अदकि आऊन शब्द हापाळ नीर इन आवाज इन घाई ईरोद. 16 आव तान ऊम्मा कय दा येळ तारा हुळकु ईरोन, अदकि आऊन बाय देल तेज येदुद धार इन तलवार होळतोगोद. आऊन मार्रा हगि प्रज्वलति ईरोद, हयांग सुर्य भर बसिल इन समय चमकुसतद. 17 \*याग ना आऊक नोळदीन रा आऊन कालगोळ मा मुर्दा घाई बदिदीन. आव नान मा तान ऊम्मा कय ईटकु अंदुन, “अजबाळ; ना पयला अदकि आखरी अदकि जीवता हुईन; 18 ना सोतोगीदीन, अदकि ईग नोळ ना हमेशा हमेशा जतिता आईन; अदकि मृत्यु अदकि अधोलोक इन चाबीगोळ नान दा हात्ती आव. 19 इदुरसाटी जो मातगोळ नी नोळ्या अदकि जो मातगोळ आगेत्याव अदकि जो

मातगोळ ईदुर बाद्दा आगव आव, अव सप्पा मातगोळी लखिस कोम. 20 मतलब आ येळ तारागोळ्द भेद नी अवरी नान ऊम्मा कय दा नोळीद, अदकि आ येळ वहान्ना अन्द दगिया ईटोद जागा अन्द भेद: अव येळ तारा येळु मंडलीगोळव स्वरगदूत हुव, अदकि अव येळ दगिया ईटव जागा येळ मंडलीगोळ हुव.

## 2

### इफसिस उक बातणी

1 “इफसिस उन मंडली इन स्वरगदूत उक ईद लखिस:

“जो येळु तारा तान ऊम्मा कय दा हुळकु आन, अदकि वहान्ना अन्द येळु दगिया ईटोद जागा अन्द न्याड्या दा टेटतद, अद ईद अनतद कर् 2 ना नीन क्याल्सा, नीन मयनत, अदकि नीन धीरज इक जानसतीन; अदकि ईद भी कर्नी बेकार लाँकुरी नोळ सकाल, अदकि जो तान तान इक प्रेरति अनतार, अदकि आल्लच, आंदरी नी परखुस्कु ख्वाटा माळ्द. 3 नी धीरज हुडुत्या, अदकि नान हेसुर इन साटी दुख नेगुत नेगुत थक्सीदील. 4 लेकीन नानी नीन खलिाप ईद अनोद आद कर् नी तान पयला अन्द घाई प्यार बटिबुट्या. 5 इदुरसाटी याद माळ कर्नी यल टु बदिया, अदकि मन तरिगुस अदकि पयला अन्द घाई क्याल्सा माळ. अगर नी मन तरिगुसतदिलि, रा ना नीन हात्ती बंदकु नीन दगिया ईटोद जागा अक अदुर जागा दा टु सरकुस बुळाईन. 6 लेकीन हव, नीन दा ईद मात रा आद कर्नी नीकुलइयोगोळ्द क्याल्सागोळ देल घृणा माळत्या, आंदुर देल ना भी नफरत माळतीन.

7 ☆“थार कवि ईतीदाव आव केळ कोमुल कर् आत्मा मंडलीगोळ से येन अनतद. जो वजिय हासलि माळतान, ना आऊक आ जीवन इन मार्र दा टु जो परमेश्वर उन स्वरगलोक दा आद, काय तनिली कोळाईन.”

### स्मुरना अक बातणी

8 ✨ “स्मुरना अनंद मंडली इन स्वर्गदूत उक ईद लखिसः

“जो पयला अदकि आखरी आन, जो सोतोगीदुन अदकि ईग जत्तिता आगेग्यान, आव ईद अनतान क<sup>9</sup>ना नीन क्लेश अदकि गरीबी इक जान्सतीन लेकीन नी धनी आय, अदकि जो लाँकुर तान तान इक यहूदी अनतार अदकि आल्लच, लेकीन शैतान उन सभा उर, आंदुर अपमान इक भी जान्सतीन. 10 जो दुख नीनी झेलसोद बदिदीत, अऊर देल अंजबाळ. यतकी नोळी, शैतान नीम दा टु काईक मुंदुरी जेलखाना दा हाकावाळा आन ताकी नीम परख आग सकुल; अदकि नीमी हत्त दनि ताका क्लेश नेगोद बदिदीत. जीव कोळासताका वशिवासी ईर, रा ना नीनी जीवन इन मुकुट कोळाईन.

11 ✨ “थार कवि ईतीदाव आव केळ कोमुल क<sup>11</sup> आत्मा मंडलीगोळ से येन अनतद. जो वजिय हासलि माळतान, आऊक दुसरा मृत्यु देल नुकसान आगतीदील.”

### परिगमुन उक बातणी

12 “परिगमुन उन मंडली इन स्वर्गदूत उक ईद लखिसः

“थार हात्ती येढ्ढ धार इंद अदकि तेज तलवार आद, आव ईद अनतान क<sup>13</sup>ना ईद जान्सतीन क<sup>13</sup>नी अल ईरत्या यल शैतान उन सहिसन आद; नी नान हेसुर मा स्थरि ईरत्या, अदकि नान मा वशिवास माळदुर देल आ दनिगोळ दा भी हदि हटसीदलि यदुर दा नान वशिवासयोग्य गवाह अन्तपास, नीम न्याड्या आ जागा मा घात माळकु आदुन यल शैतान ईरतद. 14 लेकीन नानी नीन खलाप येनारा मातगोळ माताळोव आव, यतकी नीन अल काईक मुंदुर हगि आर, जो बल्लाम इन शक्षिा अक मान्सतार, याव बालाक उक इस्त्राएलीगोळ्द मुंद ठोकर इन

✨ 2:8 २:८ प्रकाशतिवाक्य १:१७; २२:१३ ✨ 2:11 २:११ प्रकाशतिवाक्य २०:१४; २१:८

कारण ईटोद कलसदुन क्कि आंदुर मूरतीगोळ मा येरसद चीजगोळ तनिल अदकि व्यभचार माळुल. <sup>15</sup> हांगा नीन अल काईक हगि आर, जो नीकुलइयो अन्द शक्किषा अक मानसतार. <sup>16</sup> इदुरसाटी मन तरिगुस, ईलारा ना नीन हात्ती राटनेरी बंदकु तान बाय इन तलवार देल आंदुर सांगुळ लळाई माळाईन.

<sup>17</sup> ✧“थार कवि ईतीदाव आव केळ कोमुल क्कि आत्मा मंडलीगोळ से येन अनतद. जो वजिय हासलि माळतान, आऊक ना गुप्त मनना दा टु कोळाईन, अदकि आऊक ऊंद बळ्ळीद कल्ल भी कोळाईन; अदकि आ कल्ल मा ऊंद हेसुर लखिसकु ईत्तीत, अदरी हासलि माळावाळेर्द अलावा अदकि याऊ अदरी अरूतीदील.”

### थुआतीरा अक बातणी

<sup>18</sup> “थुआतीरा अन्द मंडली इन स्वरगदूत उक ईद लखिस:

“परमेश्वर उन पार यारव कण्णगोळ बेक्की इन ज्वाला घाई, अदकि यारव कालगोळ वळ्ळीद पीतळा अन्द घाई आव, आव ईद अनतान क्कि <sup>19</sup> ना नीन क्याल्सागोळ, नीन प्यार अदकि वशिवास अदकि स्यावा अदकि धीरज, इक जानसतीन अदकि ईद भी क्कि नीनव हदिळोव क्याल्सा पयले से वळ्ळेव आव. <sup>20</sup> लेकीन नानी नीन खलिाप ईद अनोद आद क्कि नी आ आर्त इजेबेल इक ईरगोळत्या जो तान तान इक भवषियवक्ता अनतार, अदकि नान दासगोळी व्यभचार माळली अदकि मूरतीगोळ मा येरसद चीजगोळी तनोद कलसकु भरमुसतार. <sup>21</sup> ना आककि मन तरिगुसोर साटी मवका कोट्टीन, लेकीन आक तान व्यभचार देल मन तरिगुसोद चाहासालुर. <sup>22</sup> नोळ, ना आककि व्हरस मा हाकतीन यल आक रोगशैय्या मा ईरोर; अदकि जो आकनि सांगुळ व्यभचार माळतार अगर आंदुर भी आकनि घाई क्याल्सागोळ देल मन तरिगुसतदिलि रा ना आंदरी

धोळ्द क्लेश दा हाकाईन. 23 ना आकनि चकिोर इक कोंद बुळाईन; आग सप्पा मंडली जान्स कोंडीत कि दिलि अदकि मन इक अरावाळा ना अच हुईन, अदकि ना नीम दा टु हर ऊंद मंळसा अक आऊन क्वाल्सा अन्द अनुसार बदला कोळाईन. 24 लेकीन नीव थुआतीरा अन्द बाकी लॉकुर से, यास ई शक्षिा अक मान्सालुर अदकि आ मातगोळी यवरी शैतान उन गयरा मातगोळ अनतार जान्सालीर, ईद अनतीन कनि नीम मा मातत ओझा हाकतदिलि. 25 लेकीन हव, जो नीम हात्ती आद अदरी नान बरासताका ताका रोक्सकु ईटी.

26 “जो वजिय हासलि माळुल अदकि नान क्वाल्सागोळ्द अनुसार आखरी ताका माळ्त ईरूल, ना आऊक गैर यहूदी लॉकुर मा अधिकार कोळाईन, 27 अदकि आव लोवा अन्द छळी हुडुकु आंदुर मा राज्य माळ्यान, याता प्रकार गळग्या माळावाळा नव मुण्ण इन बर्तन चकनाचुर आगेगताव: नानी भी हगिा अधिकार तान आप्प उन हात्ती टु सक्याद; 28 अदकि ना आऊक व्हातुर इंद तारा कोळाईन. 29 यार कवि ईतीदाव आव केळ कोमुल कि आत्मा मंडलीगोळ से येन अनतद.”

### 3

#### सरदीस उक बातणी

1 सरदीस उन मंडली इन स्वर्गदूत उक ईद लखिस:

“यार हात्ती परमेश्वर उन येळ आत्मागोळ अदकि येळ तारा आव, आव ईद अनतान कि ना नीन क्वाल्सागोळी जान्सतीन: नीनी जत्तिता रा अंदकु आगतद, लेकीन आय नी सोतकु 2 जागृत आग, अदकि आ चीजगोळी जो मक्केग्याव अदकि अऊर नाश आगली आद, अवरी मजबूत माळ; यतकी ना नीन यातोदु क्वाल्सा अक तान परमेश्वर उन हात्ती पुरा आग्त नोळीदील.



3 ✨इदुरसाटी याद माळ की नी ह्यांग शक्षिा प्राप्त माळीद अदकि केळीद, अदकि अदुर दा बन्सकु ईर अदकि मन तरिगुस. अगर नी जागृत ईरतीदील रा नी यागलु जान्स सकतीदलि की ना याता समय नीन मा बंदकु बळ्ळीईन. 4 लेकीन हव, सरदीस दा नीन अल काईक हगि लॉकुर आर यार तान तान फळक्यागोळ अशुध्द माळीदलि, आंदुर बळ्ळिव फळक्या हाक्कु नान सांगुळ टेट्यार, यतकी आंदुर ईदुर लायक आर.”

5 ✨जो वजिय हासलि माळ्यान आऊक हगिा बळ्ळिव फळक्या हाकसुसकु आदीत, अदकि ना आऊन हेसुर जीवन इन कतिाव दा टु यातोदु रीती देल कडुतदलि; लेकीन आऊन हेसुर तान आप्प अदकि आऊन स्वरगदूतगोळ मुंद मान्स कोमाईन. 6 यार कवि ईतीदाव आव केळ कोमुल की आत्मा मंडलीगोळ से येन अनतद.

### फलदलिफिया अक बातणी

7 “फलदलिफिया अनंद मंडली इन स्वरगदूत उक ईद लखिस: “जो पवतिर अदकि सही आन, अदकि जो दाऊद उन चाबी ईटतान, यारद तेरदुर बाददा याऊ बंद माळ सकालुन अदकि बंद माळदुर बाददा याऊ तेरू सकालुन, आव अनतान की 8 ना नीन क्याल्सागोळी जान्सतीन; नोळ, ना नीन मुंद ऊंद दरवाजा तेरूकु ईटीन, यदरी याऊ बंद माळ सकालुन; नीन सामर्थ्य थ्वाळासा रा आद, तरी भी नी नान वचन इन पालन माळ्द अदकि नान हेसुर इन इनकार माळीदलि. 9 नोळ, ना शैतान उन आ सभावाळेर इक नीन वश दा माळ बुळाईन जो यहूदी बन्सकु कुरतोग्यार, लेकीन आललच उलटा ख्वाटा माताळतार-नोळ, ना हगि माळाईन की आंदुर बंदकु नीनी प्रणाम माळ्यार, अदकि ईद जान्स कोंडार की ना नीन से प्यार ईटीन. 10 नी नांद धीरज इन वचन इक हुळ्दया, इदुरसाटी ना भी नीनी परीक्षा अनंद आ समय ऊळ्सकु

ईटाईन जो पृथ्वी मा ईरावाळेरद परख माळोर साटी दुनया मा बरावाळा आद. 11 ना राटनेरी इच बरावाळा आईन; जो येनारा नीन हात्ती आद अदरी हुडुकु ईर कयाऊ नीन मुकुट कसुवाळुल. 12 ✨जो वजिय हासलि माळ्यान आऊक ना तान परमेश्वर उन मंदरि दा ऊंद खंबा माळाईन, अदकि आव बाक यागलु व्हार्या होळतीदलि; अदकि ना तान परमेश्वर उन हेसुर अदकि तान परमेश्वर उन नगर मतलब व्हाशोद यूरुशलेम इन हेसुर, जो नान परमेश्वर उन हात्ती टु स्वरुग मा टु ईळोद आद, अदकि तान व्हाशोद हेसुर अदुर मा लखिसाईन. 13 यार कवि ईतीदाव आव केळ कोमुल कि आत्मा मंडलीगोळ से येन अनतद.

### लौदीकिया अक बातणी

14 “लौदीकिया अन्द मंडली इन स्वरुगदूत उक ईद लखिसः

“जो आमीन अदकि वशिवासयोग्य अदकि खरा गवाह आन, अदकि परमेश्वर उन दुनया अन मुल कारण हुन, आव अनतान कि 15 ना नीन कयाल्सागोळी जान्सतीन कि नी रा ना टंडा आय अदकि ना बसिक्यांडः वळलीद आगाईत कि नी टंडा या बसिक्यांड ईराईद. 16 इदुरसाटी कि नी क्वामा-क्वामा आय, अदकि ना टंडा आय ना बसिक्यांड, अनकु ना नीनी तान बाय दा टु तेगदुर मा आईन. 17 नी अनत्या कि ना धनी आईन अदकि धनवान आगेगनि अदकि नानी यातोदु चीज इन कमी हैलेच; अदकि ईद जान्साल कि नी अभागा अदकि तुच्छ अदकि भखिारी अदकि कुदूद अदकि ऊगळा आय. 18 इदुरसाटी ना नीनी सम्मती कोळतीन कि बेक्की देल शुद्ध माळूद व्हान्ना नान से कोम कि नी धनी आगेग, अदकि बळिव फळक्या कौड कोम कि हाक्कु नीनी तान ऊगळापन इंद शरम हतबाळुल, अदकि तान कण्णगोळी हचोर साटी सुरमा कौडकु रगळुस कि नी नोळली हत्तेग. 19 ✨ना यार यार से प्यार माळतीन, आ सप्पा मुंदुरी

उलाहना अदकि शकिषा कोळतीन; इदुरसाटी आस्था ईट अदकि मन तरिगुस. <sup>20</sup> नोळ, ना दरवाजा मा नदिरकु ठोक्सतनि; अगर यावारा नान शब्द केळकु दरवाजा तेरदान, रा ना आऊन हात्ती बुळ्क बंदकु आऊन सांगुळ ऊमाईन अदकि आव नान सांगुळ.

<sup>21</sup> “जो वजिय हासलि माळ्यान ना आऊक तान सांगुळ तान सहिसन मा कुरसाईन, ह्यांग ना भी वजिय हासलि माळकु तान आप्प उन सांगुळ आऊन सहिसन मा कुरतोदनि. <sup>22</sup> यार कवि ईतीदाव आव केळ कोमुल की आत्मा मंडलीगोळ से येन अनतद.”

## 4

### स्वर्ग दा आराधना

<sup>1</sup> ई मातगोळ बाद्दा जो ना दृष्टी माळदीन रा येन नोळतीन की स्वर्ग दा ऊंद दरवाजा तेरकु आद, अदकि यारी ना पयले तुरही इन घाई शब्द देल तान सांगुळ माताळ्त् केळीदीन, आवा अनतान, “ईल म्याकुच होटबर; अदकि ना आ मातगोळ नीनी तोरसाईन, यऊर्द ई मातगोळ बाद्दा पुरा आगोद जरूरी आद.” <sup>2</sup> तुरन्त ना आत्मा दा होटबंदीन; अदकि येन नोळतीन की ऊंद सहिसन स्वर्ग दा ईटकु आद, अदकि आ सहिसन मा यावारा कुर्तकु आन. <sup>3</sup> जो अदुर मा कुर्तकु आन आव यशब अदकि माणकिय घाई कांळ्सदुर दा बरतान, अदकि आ सहिसन इन नाकु दी मरकत घाई ऊंद मेघधनुष कांळ्सतद. <sup>4</sup> आ सहिसन इन नाकु दी ईप्पतनाक सहिसन आव; अदकि ई सहिसनगोळ मा ईप्पतनाक स्याणा लॉकुर बळ्ळी फळक्या हाक्कु कुर्तकु आर, अदकि आंदुर ताल्लागोळ मा व्हान्ना नव मुकुट आव. <sup>5</sup> ✨आ सहिसन दा टु बजिली अदकि गर्जन गुमरान होळतद अदकि सहिसन इन मुंद बेक्की इन येळ दगिया होतेत्याव, अव

✨ 4:5 ४:५ प्रकाशतिवाक्य ८:५; ११:१९; १६:१८; प्रकाशतिवाक्य १:४

परमेश्वर उन येळ आत्मागोळ हुव, 6 अदकि आ सहिसन इन मुंद मान्सी जसा बल्लौर घाई कांच इन समुद्र आद.

सहिसन इन न्याड्या दा अदकि सहिसन इन नाकु दी नाक प्राणी आव, यऊरुद हदि मुंद कण्ण अच कण्ण आव. 7 पयला प्राणी हुल्ल इन घाई आद, अदकि दुसरा प्राणी गोसी इन पाड्डा घाई आद, तसिरा प्राणी इन बाय मंळसा अनूद घाई आद, अदकि चौथा प्राणी ऊळुसतेला गीधाळ इन घाई आद. 8 नाकु प्राणीगोळव आरः पक्का आव, अदकि नाकु दी अदकि बुळ्क कण्ण अच कण्ण आव; अदकि अव ईळ्लक हागुल बनिा आराम ताकोमूत ईद अनतेला ईरताव,

“पवत्रि, पवत्रि, पवत्रि प्रभु परमेश्वर, सर्वशक्तमिान,  
जो ईरोन अदकि जो आन अदकि जो बरावाळा आन.”

9 याग अव प्राणी आऊन जो सहिसन मा कुरतकु आन, अदकि जो हमेशा हमेशा जतिता आन, महमिा अदकि आदर अदकि धन्यवाद माळ्याव; 10 आग ईपपतनाक इन ईपपतनाक स्याणा लॉकुर सहिसन मा कुरावाळेर मुंद बदिदार; अदकि अदुरद पुजा माळतार, जो हमेशा हमेशा जीवतिा आर प्रणाम माळ्यार. अदकि आंदुर तान-तान मुकुट सहिसन इन मुंद ईद अनतेला हाक्क बुट्टार,

11 “हे नाम प्रभु अदकि परमेश्वर, नी अच महमिा

अदकि आदर अदकि सामर्थ्य अनूद लायक आय;

यतकी नी अच सप्पा चीजगोळी नरिमाण माळ्या

अदकि अव अपमान अच इच्छा देल ईरव अदकि अस्ततिव दा बंदव.”

## 5

मोहरबनुद कतिाब अदकि म्यांडा अनूद पाड्डा

1 जो सहिसन मा कुरतकु ईरोन, ना आऊन ऊममा कय दा ऊंद कतिाब नोळदीन जो बुळ्क अदकि व्हार्या टु लखिसकु ईरोद,

अदकि अद येळ मोहर हचकु बंद माळकु आगीत. <sup>2</sup> बाक ना ऊंद ताकतवर स्वरगदूत उक नोळदीन जो धोळ शब्द देल ईद प्रचार माळतोगोन, “ई कतिाब इक तेरोद अदकि अदुरद मोहर मुरोद लायक याव आन?” <sup>3</sup> लेकीन ना स्वरग दा, ना पृथ्वी मा, ना पृथ्वी इन ल्यालमा यावारा आ कतिाब इक तेरोद या अदुर मा दृष्टी हाककोद लायक होट्टुन. <sup>4</sup> आग ना हुदक्या कोट कोटकु वरली हतदीन, यतकी आ कतिाब इक तेरोद या अदुर मा दृष्टी हाककोद लायक याऊ सकिदील. <sup>5</sup> ईदुर मा आ स्याणागोळ दा टु ऊंद नान से अंदुन, “वरलबाळ; नोळ, यहूदा अन्द गोत्र नव अद हुलल जो दाऊद उन मुल आद, आ कतिाब इक तेरोद अदकि अदुरद येळु मोहरगोळ मुरोद साटी जयवन्त आग्याद.”

<sup>6</sup> आग ना आ सहिसन अदकि नाकु प्राणीगोळ अदकि आ स्याणागोळद नयाड्या दा, मतलब ऊंद बली कोळद म्यांडा अन्द पाड्डा नीदुरकु नोळदीन. अदुर येळ गाँट्टा अदकि येळ कण्णगोळ ईरव; ईव परमेश्वर उन येळु आत्मागोळ हुव, जो सप्पा धरती मा कळुकु आग्याव. <sup>7</sup> आव बंदकु आऊन ऊम्मा कय देल जो सहिसन मा कुर्तकु ईरोन, आ कतिाब हुळद कौंडुन. <sup>8</sup> याग आव कतिाब हुळद कौंडुन, रा अव नाकु प्राणी अदकि ईप्पतनाक इन ईप्पतनाक स्याणा लाँकुर आ म्यांडा अन्द पाड्डा अन्द मुंद बदीदुर. आंदुर दा टु हर ऊंद जन उन कय दा वीणा अदकि ऊदबत्ती, जो पवतिर लाँकुरद प्रार्थनागोळ हुव, देल तुमकु व्हानना नव कटोरा ईरव. <sup>9</sup> आंदुर ईद व्हाशोद हाळ हाळली कुरतुर,

“नी ई कतिाब इक हुडोद, अदकि ईदुरद मोहरगोळ

तेरोद लायक आय;

यतकी नी बली आगकु तान रक्ता देल

हर ऊंद कुल अदकि भाषा अदकि लाँकुर अदकि

जाती दा टु

परमेश्वर उन साटी लॉकुरी कोंड्या, 10 ☆अदकि आंदरी नाम  
परमेश्वर उन साटी ऊंद  
राज्य अदकि याजक माळ्द;  
अदकि आंदुर धरती मा राज्य माळतार.”

11 याग ना नोळदीन, रा आ सहासन अदकि आ प्राणीगोळ  
अदकि आ स्याणागोळ नाकु दी हापाळ सा स्वर्गदूतगोळ्द  
शब्द केळदीन, यार गनिती लाखों अदकि करोळो अन्द ईरोद,  
12 अदकि आंदुर धोळ शब्द देल अनतोगोर,

“बली कोळ्द म्यांडा अन्द पाड्डा अच  
सामर्थ्य अदकि धन अदकि ग्यान अदकि ताकत अदकि  
आंदरे  
अदकि महिमा अदकि धन्यवाद इन लायक आद!”

13 बाक ना स्वर्ग दा अदकि धरती मा अदकि धरती इन  
ल्यालमा अदकि समुदर अन्द सप्पा माळ्द वस्तुगोळी,  
अदकि सप्पा येनारा जो अऊर दा आव, ईद अनतेला केळदीन,  
“जो सहासन मा कुरतकु आन आऊन अदकि म्यांडा अन्द  
पाड्डा अन्द धन्यवाद

अदकि आदर अदकि महिमा अदकि राज्य हमेशा ईरूल!”

14 अदकि नाकु प्राणीगोळ आमीन अंदव, अदकि स्याणागोळ  
बांगकु दण्डवत माळदुर.

## 6

येळ मोहरगोळ्द तेरूकु आगोद

1 बाक ना नोळदीन क् म्यांडा अन्द पाड्डा आ येळ  
मोहरगोळ दा टु ऊंद मोहर इक तेरूत; अदकि आ नाकु प्राणीगोळ  
दा टु ऊंद प्राणी इंद गर्जन घाई शब्द केळदीन, “बर!” 2 ना  
दृष्टी माळदीन, अदकि नोळी, ऊंद बळी घ्वाळा आद, अदकि  
अदुर सवारी माळावाळा बाण हुडुकु आन; अदकि आऊक ऊंद

मुकुट कोटकु आत, अदकि आव जय जयकार माळ्त होट्टुन क्कि मात्त यक्कुल जय हासलि माळुल.

3 याग अद दुसरा मोहर तेरूत, रा ना दुसरा प्राणी इक ईद अनतेला केळदीन, “बर!” 4 बाक मात्त ऊंद घ्वाळा होळ्त जो क्याचांद रंग इन ईरोद; अदुर सवारी माळावाळा अक ईद अधिकार कोटकु आत क्कि धरती मा टु मेल मलिाप नेग्द बुळ, ताकी लाँकुर आबुर दाबुर इक कोनुल; अदकि आऊक ऊंद धोळ्द तलवार कोटकु आत.

5 याग अद तसिरा मोहर तेरूत, रा ना तसिरा प्राणी इक ईद अनतेला केळदीन, “बर!” ना दृष्टी माळदीन, अदकि नोळी, ऊंद करीद घ्वाळा आद, अदकि अदुर सवारी माळावाळा अन्द कय दा ऊंद तराजू आद; 6 अदकि ना आ नाकु प्राणीगोळ न्याड्या दा टु ऊंद शब्द ईद अनतेला केळदीन, “दीनार इन सेर तीम गोदी, अदकि दीनार इन मुर सेर जऊस, लेकीन याण्णा अदकि अंगुर इन रास्सा अन्द नुकसान माळबाळेतीर.”

7 याग अद चौथा मोहर तेरूत, रा ना चौथा प्राणी इन शब्द ईद अनतेला केळदीन, “बर!” 8 ना दृष्टी माळदीन, अदकि नोळी, ऊंद पविळा रंग घाई घ्वाळा आद; अदकि अदुर मा सवारी माळावाळा अन्द हेसुर मृत्यु आद, अदकि अधोलोक आऊन ह्दि ह्दि आद; अदकि आंदरी धरती इन ऊंद चौथाई भाग मा ईद अधिकार कोटकु आत क्कि तलवार, अदकि अकाल, अदकि मरी, अदकि धरती इन आळी दाकळव पशुगोळ द्वारा लाँकुरी कोंदबुळुल.

9 याग अद पाचवा मोहर तेरूत, रा ना वेदी इन ल्यालमा आंदुर जीवगोळी नोळदीन जो परमेश्वर उन वचन इन कारण अदकि आ गवाही इन कारण जो आंदुर कोटीदुर बली येरसकु आगीदव. 10 आंदुर धोळ शब्द दा कारूकु अंदुर, “हे स्वामी, हे पवत्तिर अदकि सत्य; नी यागासताका न्याय माळ्या? अदकि धरती मा

ईरावाळेर से नाम रक्ता अन बदला यागासताका ताकोड्या?"  
 11 आंदुर दा टु हर ऊंद जन उक बळी फळक्या कोटक आत, अदकि आंदुर से अंदकु आत कि मातत घळी तमि आराम माळी, यागासताका कनिमी संगी दास अदकि वारटुर जो नीम घाई बली येर्सकु आगावाळेर आर आंदुर भी गनिती पुरा आगेगाल.

12 ✨याग अद सहावा मोहर तेरूत, रा ना नोळदीन कि ऊंद धोळ्द भूकम्प आत, अदकि सुर्य धुसा घाई करीद अदकि पुरा बेळदगि रक्ता अन घाई आगेत. 13 आकाश इन तारागोळ धरती मा हगि बदिदव जसा धोळ्द आंधी देल आळगाळकु अंजीर इन मार्र मा टु कच्चा काय झळ्स्ताव. 14 ✨आकाश हगि सरकुसेत जसा चट्टी गुंळसदुर देल सरकुसेगतद; अदकि हर ऊंद पहाळी, अदकि टापू तान तान जागा मा टु सरकुसेदव. 15 आग धरती इन राजा, अदकि प्रधान, अदकि सरदार, अदकि धनवान अदकि सामरथी लॉकुर, अदकि हर ऊंद दास अदकि हर ऊंद स्वतंत्र पहाळीगोळ्द गुफागोळ दा अदकि चट्टानगोळ दा होगकु होचकोंडव, 16 ✨अदकि पहाळीगोळ अदकि चट्टानगोळ देल अनली हतदव, "नाम मा बळी; अदकि नामी आऊन बाय देल जो सहासन मा कुर्तकु आन, अदकि मयांडा अनद पाड्डा अनद प्रकोप देल होचसकोम बुळी. 17 यतकी आंदुर प्रकोप इन भयानक दनि होट बंदाव, ईग याव ऊंजेर सकतान?"

## 7

### इसत्राएल इन 1,4400 लॉकुर

1 इदुर बाददा ना पृथ्वी इन नाकु क्वाना मा नाक स्वर्गदूत नीदुरकु नोळदीन. आंदुर पृथ्वी इन नाकु हवा अक रोकसकु ईरोर ताकी पृथ्वी या समुद्र या यातोदु मार्र मा हवा नळु

✨ 6:12 ६:२२ प्रकाशतिवाक्य ११:१३; १६:१८; मत्ती २४:२९; मरकुस १३:२४,२५; लूका २१:२५ ✨ 6:14 ६:१४ प्रकाशतिवाक्य १६:२० ✨ 6:16 ६:१६ लूका २३:३०



बाळुल. <sup>2</sup> बाक ना मात्त ऊंद स्वरगदूत उक जत्तिता परमेश्वर उन मोहर हुडुकु पूरव टु म्याकुच बरत नोळदीन; आव आ नाकु स्वरगदूतगोळ देल यवरी पृथ्वी अदकि समुद्र अनन्द नुकसान माळोद अधिकार कोटकु आगीत, धोळ शब्द देल कारूकु अंदुन, <sup>3</sup> “यागासताका नाव तान परमेश्वर उन दासगोळ हयाणा मा मोहर हच कोमालेव, आगासताका पृथ्वी अदकि समुद्र अदकि माररगोळी नुकसान पोहचुस बाळेतीर.” <sup>4</sup> यार मा मोहर कोटकु आत ना आंदुर गनिती केळदीन, मतलब इस्त्राएल इन औलादगोळ्द सप्पा गोत्र दा टु ऊंद लाख चौवालीस हजार मा मोहर कोटकु आत: <sup>5</sup> यहूदा अनन्द गोत्र दा टु हन्नेळ हजार मा मोहर कोटकु आत; रूबेने अनन्द गोत्र दा टु हन्नेळ हजार मा, गाद इन गोत्र दा टु हन्नेळ हजार मा. <sup>6</sup> आशेर इन गोत्र दा टु हन्नेळ हजार मा, नप्ताली इन गोत्र दा टु हन्नेळ हजार मा, मनश्शहि अनन्द गोत्र दा टु हन्नेळ हजार मा, <sup>7</sup> शमौन उन गोत्र दा टु हन्नेळ हजार मा, लेवी इन गोत्र दा टु हन्नेळ हजार मा, इस्साकार इन गोत्र दा टु हन्नेळ हजार मा, <sup>8</sup> जबूलून उन गोत्र दा टु हन्नेळ हजार मा, यूसुफ उन गोत्र दा टु हन्नेळ हजार मा, अदकि बन्ध्यामीन उन गोत्र दा टु हन्नेळ हजार मा मोहर कोटकु आत.

### ऊंद धोळ्द भीळ

<sup>9</sup> इदुर बाददा ना नजर तरिगुसदनि, अदकि नोळी, हर ऊंद जाती अदकि कुल अदकि लॉकुर अदकि भाषा दा टु ऊंद हगि धोळ्द भीळ, यदरी याऊ आळु ईला सकोन, बळी फळक्या हाककु अदकि तान कयगोळ दा खजुर इन डगालगोळ हुडुकु सहिसन इन मुंद अदकि म्यांडा अनन्द पाड्डा अनन्द मुंद नदिरकु आद, <sup>10</sup> अदकि धोळ्द शब्द देल कारूकु अनतद, “उद्धार इन साटी नाम परमेश्वर उन, जो सहिसन मा कुर्तकु आन, अदकि म्यांडा अनन्द पाड्डा अनन्द जय-जयकार आगुल!” <sup>11</sup> अदकि

सप्पा स्वर्गदूत आ सहिसन अदकि स्याणागोळ अदकि नाकु प्राणीगोळ नाकु दी नदिरकु आर; बाक आंदुर सहिसन इन मुंद बाय इन भार देल बदिदुर अदकि परमेश्वर उक दण्डवत माळकु अंदुर, <sup>12</sup> “आमीन! नाम परमेश्वर उन स्तुति अदकि महिमा अदकि ग्यान अदकि धन्यवाद अदकि आदर अदकि सामर्थ्य अदकि ताकत हमेशा हमेशा बन्सकु ईरूल. आमीन!”

<sup>13</sup> इदुर मा स्याणागोळ दा टु ऊंद नान से अंदुन, “ई बळी फळक्यागोळ हाक्कु यार उर? अदकि यल टु बंदार?”

<sup>14</sup> ✧ना आंदुर से अंदीन, “हे स्वामी, नी अच जानसत्या.”

आव नान से अंदुन, “ईदुर आंदुर उर, जो आ महाक्लेश दा टु होटकु बंदार; इंदुर तान-तान फळक्या म्यांडा अन्द पाड्डा अन्द रक्ता दा तोळकु बळिव माळ्यार. <sup>15</sup> ईदा कारण आंदुर परमेश्वर उन सहिसन इन मुंद आर, अदकि आऊन मंदिर दा ईळ्लक-हागुल आऊन स्यावा माळतार, अदकि जो सहिसन मा कुर्तकु आन, आव आंदुर म्याकुच तान तम्बू तानस्यान. <sup>16</sup> आंदुर बाक उपासा अदकि नीरअळ्क देल ईरतीदील; अदकि ना आंदुर मा यागल्यारा बसिल बदिदीत. <sup>17</sup> यतकी म्यांडा अन्द पाड्डा जो सहिसन इन न्याड्या दा आद आंदुर जागनी माळीत, अदकि आंदरी जीवन रूपी नीर इन डोबन इन हात्ती ओतीत; अदकि परमेश्वर आंदुर कण्णगोळी बाक यागलु वर्लगोळतदिलि.

## 8

सातवा मोहर अदकि व्हान्ना अन्द ऊदवत्ती दान

<sup>1</sup> “याग आव सातवा मोहर तेरदुन, रा स्वर्ग दा आर्धा घंटा ताका सन्नाटा आगेत. <sup>2</sup> आग ना आ येळु स्वर्गदूतगोळ इक नोळदीन जो परमेश्वर उन मुंद नदिरकु ईरतार, अदकि आंदरी येळ तुरहीगोळ कोटकु आत.”

3 बाक मात्त ऊंद स्वर्गदूत व्हान्नोद ऊदबत्ती दान हुडुकु बंदुन, अदकि वेदी इन हात्ती नदिरदुन; अदकि आऊक हापाळ ऊदबत्ती कोटकु आत क्किसप्पा पवत्तिर लॉकुरद प्रार्थनागोळ सांगुळ व्हान्ना अन्द आ वेदी मा, जो सहिसन इन मुंद आद येरसुल. 4 आ ऊदबत्ती इन धुंगा पवत्तिर लॉकुरद प्रार्थना सहति स्वर्गदूत उन कय दा टु परमेश्वर उन मुंद पोहचुसेत. 5 ✨ आग स्वर्गदूत ऊदबत्ती दान हुडुकु अदुर दा वेदी इन बेक्की तुमदुन अदकि धरती मा हाक बुट्टुन; अदकि गर्जन अदकि शब्द अदकि बजिलीगोळ अदकि भूकम्प आगली कुरतव.

### येळ तुरहीगोळ

6 आग आ येळु स्वर्गदूत यार हात्ती येळ तुरहीगोळ ईरव अवरी ऊरूली तयार आदुर.

7 पयला स्वर्गदूत तुरही ऊरूदुन, अदकि रक्ता देल मल्लिसकु क्वांडागोळ अदकि बेक्की तयार आत, अदकि धरती मा हाककु आत; अदकि धरती इन ऊंद तहिई भाग होत्तेत, अदकि मार्रगोळद ऊंद तहिई भाग होत्तेत, अदकि सप्पा हविरा काड्डा भी होत्तेत.

8 दुसरा स्वर्गदूत तुरही ऊरदुन, रा बेक्की घाई होत्ततेला ऊंद धोळद पहाळी समुद्र दा हाककु आत; अदकि समुद्र अन्द ऊंद तहिई भाग रक्ता आगेत, 9 अदकि समुद्र अन्द ऊंद तहिई जीव सोतोदव, अदकि ऊंद तहिई जहाज नाश आगेदव.

10 तसिरा स्वर्गदूत तुरही ऊरदुन, अदकि ऊंद धोळ तारा जो मशाल घाई होत्तोगोद स्वर्ग दा टु मूरुत, अदकि गांगागोळद ऊंद तहिई मा अदकि नीर इन डोबनगोळ मा बंदकु बत्ति. 11 आ तारा अन्द हेसुर नागदौना आद; अदकि ऊंद तहिई नीर नागदौना घाई केय आगेत, अदकि हापाळ सा मंळसागोळ आ नीर इन केय आगदुर देल सोतोदुर.

12 चौथा स्वर्गदूत तुरही ऊरदुन, अदकि सुर्य अनन्द ऊंद तहिाई भाग, अदकि बेळदगिया अनन्द ऊंद तहिाई अदकि तारागोळ्द ऊंद तहिाई भाग मा आपत्तति बत्त, ईल ताका क्ति अऊरद ऊंद तहिाई भाग अंधार आगेत अदकि दनि इन ऊंद तहिाई भाग दा ऊजुळ ईतीदील, अदकि हांगा ईळ्लक दा भी.

13 याग ना मात्त नोळदीन, रा आकाश इन न्याड्या दा गीधाळ इक ऊळुसतेला अदकि धोळ शब्द दा ईद अनतेला केळदीन, “आ मुर स्वर्गदूतगोळ्द तुरही इन शब्दगोळ कारण, यार्द ऊरोद ईगल्या मक्कि आद, धरती नोर ईरावाळेर मा हाय, हाय, हाय!”

## 9

1 याग पाचवा स्वर्गदूत तुरही ऊरदुन, रा ना स्वर्ग टु पृथ्वी मा ऊंद तारा बळितेला नोळदीन, अदकि अदरी अथाह अधोलोक इंद चाबी कोटकु आत. 2 अद अथाह अधोलोक इक तेरूत, अदकि कुंड दा टु धोळ्द भट्टी घाई धुंगा येळ्त, अदकि कुंड इन धुंगा देल सुर्य अदकि वायु अंधारकाय आगेदव. 3 आ धुंगा दा टु पृथ्वी मा हत्तीफाफा होट्टव, अदकि अवरी पृथ्वी इन चेळगोळ घाई शक्ती कोटकु आत. 4 अऊर से अंदकु आत क्ति ना पृथ्वी इन काड्डा अक, ना यातोदारा हरयाली इक, ना यातोदारा मारर इक नुकसान पोहचुसेत, सर्फि आ मंळसागोळी नुकसान पोहचुसेत यार ह्याणा मा परमेश्वर उन मोहर हैलेच. 5 अवरी लॉकुरी कोंद बुळोद रा ईला लेकीन अईद तगिळ ताका पीळा कोळोद अधिकार कोटकु आत: अदकि आंदुर पीळा हगि ईरोद ह्यांग चेळ उन डंक होळदुर देल मंळसा अक आगतद. 6 आ दनिगोळ दा मंळसागोळ मृत्यु उक दुंदस्यार अदकि आंदरी मृत्यु सकितीदील; अदकि सायोद लालसा माळ्यार, अदकि मृत्यु आंदुर से दुर ओळीत.

7 आ हत्तीफाफागोळ्द आकार लळाई इन साटी तयार माळ्द घ्वाळागोळ घाई ईरव, अदकि अऊर ताल्लागोळ मा व्हान्ना

अनन्द मुकुट ईरव; अदकि अऊर मार्रगोळ मंळसागोळ घाई ईरव. <sup>8</sup> अऊर चुटगोळ आरतेर चुटगोळ घाई अदकि हल्ल हल्ल इन हल्लगोळ घाई ईरव. <sup>9</sup> अव लोवा घाई झलिम हाक्कु ईरव; अदकि अऊर पक्किगोळ्द शब्द हगि ईरोद जसा रथ अदकि हापाळ सा घ्वाळागोळ्द जो लळाई दा ओळताव. <sup>10</sup> अऊर्द पुसटी चेळगोळ घाई ईरव अदकि अऊर दा डंक ईरव, अदकि अवरी अईद तगिळ ताका मंळसागोळी दुख पोहचुसोद जो शक्ती सकिीत, अद अऊर्द पुसटीगोळ दा ईरोद. <sup>11</sup> अथाह अधोलोक इन स्वर्गदूत अऊर मा राजा ईरोन; आऊन हेसुर इब्रानी दा अबद्दोन, अदकि यूनानी दा अपुल्लयोन आद.

<sup>12</sup> पयला वपित्ती नष्ट आगेत, नोळी, ईग इदुर बाद्दा येढ्ढ परेशानीगोळ मात्त बरव आव.

<sup>13</sup> याग सहावा स्वर्गदूत तुरही ऊरुदुन रा व्हान्ना अनन्द वेदी जो परमेश्वर उन मुंद आद अदुर गॉट्टागोळ दा टु ना हगि शब्द केळदीन, <sup>14</sup> मतलब यावारा सहावा स्वर्गदूत से, यार हात्ती तुरही ईरोद, अनेत्यान, “आ नाकु स्वर्गदूतगोळ इक जो धोळ गांगा फुरात इन हात्ती कटकु आर, खोल्स बुळ.” <sup>15</sup> आ नाकु स्वर्गदूत खोल्सकु आदुर जो आ समय, अदकि दनि, अदकि तगिळ, अदकि साल इन साटी मंळसागोळ्द ऊंद तहाई भाग इक कौद बुळली तयार माळकु आगदुर. <sup>16</sup> अऊर्द फौज इन सवारगोळ्द गनिती ईप्पत करोळ ईरोद; ना अऊर्द गनिती केळदीन. <sup>17</sup> नानी ई दर्शन दा घ्वाळागोळ अदकि अऊर्द हगि सवार काळसदुर यार झलिमगोळ बेक्की, अदकि धूम्रकान्त, अदकि गन्धक घाई ईरोद, अदकि आ घ्वाळागोळ्द ताल्ला हल्ल इन ताल्ला घाई ईरव; अदकि अऊर बाय दा टु बेक्की, धुंगा अदकि गन्धक होळतोगोद. <sup>18</sup> ई मूर महामारीगोळ्द मतलब बेक्की अदकि धुंगा अदकि गन्धक देल, जो अऊर बाय दा टु होळतोगोद मंळसागोळ्द ऊंद तहाई कौदकु आत. <sup>19</sup> यतकी

आ घ्वाळागोळ्द सामर्थ्य अऊर बाय अदकि पुसटीगोळ दा ईरोद; इदुरसाटी की अऊर पुसटीगोळ हावगोळ घाई ईरव, अदकि आ पुसटीगोळ्द ताल्ला भी ईरव अदकि ईऊर देला अव दुख पोहचुसतोगव.

20 मगिद मळसागोळ जो आ मरी देल सायली ईरोर, तान कयगोळ्द क्याल्सा देल, मन तरिगुसदुर, कीदुष्टआत्मागोळ्द, अदकि व्हान्ना अदकि बेळ्ली अदकि पीतळा अदकि कल्ल अदकि हुळ्ली इन मूर्तीगोळ्द पुजा माळबाळुल जो ना नोळ सकताव, ना केळ सकताव, ना नळु सकताव; 21 अदकि जो रक्ता, अदकि जादू टोना, अदकि व्यभचार, अदकि काळ्लपनी आंदुर माळीदुर, अदुर देल मन तरिगुसदिलि.

## 10

### स्वर्गदूत अदकि स्यांळ्द कतिाब

1 बाक ना मात्त ऊंद ताकतवर स्वर्गदूत उक आकाश होचत स्वर्ग टु ईळुत नोळदीन. आऊन ताल्ला मा मेघधनुष ईरोद. आऊन बाय सुर्य अन्द घाई अदकि आऊन कालगोळ बेक्की इन खंबा घाई ईरव. 2 आऊन कय दा ऊंद स्यांळदतुसा कतिाब तेरूकु ईरोद. आव तान ऊम्मा काल समुद्र मा अदकि डाक्या काल पृथ्वी मा ईटदुन, 3 अदकि हगि धोळ्द शब्द देल चलिळासदुन, हयांग हुल्ल गरजुसतद; अदकि याग आव चलिळासदुन रा गरजन इन सांगुळ शब्द केळ बंदव. 4 याग येळु गरजन इनव शब्द केळकु आगेदव, रा ना लखिसदुर मा ईरीन, लेकीन ना स्वर्ग टु ईद शब्द केळदीन, “जो मातगोळ गरजन इन आ येळ शब्दगोळ से केळ्या अवरी गुप्त ईट, अदकि लखिसबाळ.”

5 याता स्वर्गदूत उक ना समुद्र अदकि पृथ्वी मा नदिरुत नोळीदिनि, आव तान ऊम्मा कय स्वर्ग दी नेगदुन, 6 अदकि जो हमेशा हमेशा जतिता आन, अदकि याव स्वर्ग इक अदकि

जो येनारा अदुर दा आद, अदकि पृथ्वी इक अदकि जो येनारा अदुर दा आद, अदकि समुद्र अक अदकि जो येनारा अदुर दा आद सजुस्कु, अऊरदा करिया तनिकु अंदुन, “ईग रा मात्त समय आगतीदील. <sup>7</sup>बल्की सातवा स्वर्गदूत उन तुरही ऊरदुर मा जो आगव आव शब्द इन दनिगोळ दा परमेश्वर उन गुप्त मनोरथ आ खुशखबरी इन अनुसार जो आव तान दास भवषियवक्तागोळी कोट्टुन, पुरा आदीत.”

<sup>8</sup>याता शब्द अक ना स्वर्ग टु माताळ्त्त केळीदीन, अद मात्त नान सांगुळ मात हेळली कुर्त, “होग, जो स्वर्गदूत समुद्र अदकि पृथ्वी मा नदुरकु आन, आऊन कय दाकळोद अद कतिब हुडु कोम जो तेरकु आद.”

<sup>9</sup>ना स्वर्गदूत उन हात्ती होगकु अंदीन, “ईद स्यांळ्द कतिब नानी कोळ.” आव नान से अंदुन, “हुडु, इदरी तनि कोम; ईद नीन व्हाट्टा केय रा माळीत, लेकीन नीन बाय दा सयद घाई सय हत्तीत.”

<sup>10</sup>अतः ना अद स्यांळ्द कतिब आ स्वर्गदूत उन कय दा टु हुडुकु तदि बुटीन. अद नान बाय दा सयद घाई सय रा हत, लेकीन याग ना अदरी नुंग बुट्टीन, रा नान व्हाट्टा केयजोर आगेत.

<sup>11</sup>आग नान से ईद अंदकु आत, “नीनी हापाळ सा लॉकुर, अदकि जातीगोळ, अदकि भाषागोळ अदकि राजागोळ्द बारा दा मात्त भवषियवाणी माळोद बदिदीत.”

## 11

### येढ्ह गवाह

<sup>1</sup>बाक नानी आळोर साटी ऊंद सरकंडा कोटकु आत, अदकि यारारा अंदुर, “थेळ, परमेश्वर उन मंदिर अदकि वेदी, अदकि अदुर दा उपासना माळावाळेर इक आळ्द कोम. <sup>2</sup>लेकीन मंदिर इन व्हार्या अन्द आंगुळ बटि बुळ; अदरी आळुबाळ यतकी

✧ 11:2 ११:२ लूका २१:२४

अद गैरयहूदी इक कोटकु आग्याद, अदकि आंदुर पवतिर नगर इक ब्यालीस दनि ताका काल दशी मेट्ट्यार. <sup>3</sup> ना तान येढढ गवाहगोळी ईद अधिकार कोळार्इन क्कि टाट होदुकु ऊंद हजार येढढ सौ साठ दनि ताका भवषियवाणी माळुल.

<sup>4</sup> “ईव अवा जैतुन इन येढढ मार्र अदकि येढढ दगिया ईटव जागा हुव, जो पृथ्वी इन प्रभु उन मुंद नदिरकु ईतार. <sup>5</sup> अगर यावारा आंदरी नुकसान पोहचुसोद चाहासतान, रा आंदुर बाय दा टु बेक्की होटकु आंदुर दुश्मनगोळी भसम माळतद; अदकि अगर यावारा आंदरी नुकसान पोहचुसोद चाहास्यान, रा जरूर ईत्ता रीतदिल कोन्सुसकु आदान. <sup>6</sup> आंदरी अधिकार आद क्कि आकाश इक बंद माळुल, क्कि आंदुरद भवषियवाणी इन दनिगोळ दा सयद बरसुसबाळुल; अदकि आंदरी सप्पा नीरनळी मा अधिकार आद क्कि अदरी रक्ता माळुल, अदकि याग याग चाहास्यार आग आग पृथ्वी मा हर प्रकार इंद वपित्ती त्रूल.”

<sup>7</sup> ✧याग आंदुरद गवाही कोटकु आगेदीत, रा अद पशु जो अथाह अधोलोक दा टु होट्टीत, आंदुर से लळाई माळकु अवरी जीतुसति अदकि आंदरी कोंद बुट्टीत. <sup>8</sup> आंदुर लाश आ धोळ्द नगर इन चौक दा बदिक्कु ईत्ताव, यदरी आत्मकि रूप देल सदोम अदकि मसित्त्र अंदकु आगतद, यल आंदुर प्रभु भी क्रूस मा येरसकु आगदिन. <sup>9</sup> सप्पा लाँकुर अदकि कुलगोळ अदकि भाषागोळ अदकि जातीगोळ्द लाँकुर आंदुर मुर्दागोळी इक साढे मुर दनि ताका नोळतेला ईत्तार, अदकि आंदुर मुर्दागोळ इक कब्ब दा ईट कोळतीदिल. <sup>10</sup> धरती मा ईरावाळेर आंदुर सोत्तुर देल खुश अदकि मग्न आदार, अदकि आबुर दाबुर हात्ती भेंट कळ्यार, यतकी ई दनिगोळ दा भवषियवक्तागोळ धरती मा ईरावाळेर इक सतुस्यार. <sup>11</sup> लेकीन साढे मुर दनि इन बाद्दा परमेश्वर उन दी टु जीवन इन श्वास आंदुर दा होक्त,



अदकि आंदुर तान कालगोळ ताकत देल नदिरेदुर, अदकि आंदुर नोळावाळेर मा धोळ्द अंज्क तुम्मेत. <sup>12</sup> आग आंदरी स्वर्ग टु ऊंद धोळ्द शब्द केळ बत्त, “ईल म्याकुच बरी!” ईद केळकु आंदुर बादल मा सवार आगकु तान दुश्मनगोळ नोळतेला अच स्वर्ग मा येरेदुर. <sup>13</sup> ✧बाक आ घळी ऊंद धोळ्द भूकम्प आत, अदकि नगर इन दहावा भाग बदीत; अदकि आ भूकम्प देल येळ हजार मंळसागोळ सोतोदुर, अदकि बाकी नोर जो ऊळ्दकु ईरोर आंदुर अंजेदुर अदकि स्वर्ग इन परमेश्वर उन महिमा माळली कुरतुर.

<sup>14</sup> दुसरा परेशानी बतिसेत; नोळी, तसिरा परेशानी जल्दी बरावाळा आद.

सातवा दूत उन द्वारा तुरही ऊरकु आत

<sup>15</sup> याग सातवा स्वर्गदूत तुरही ऊरदुन, रा स्वर्ग दा ई बारा दा धोड्डेव-धोड्डेव शब्द आगली कुरतव: “दुनया अन राज्य नामव प्रभु उन अदकि आऊन मसीह अन्द आगेत, अदकि आव हमेशा हमेशा राज्य माळ्यान.” <sup>16</sup> आग चौबीसा स्याणा लॉकुर जो परमेश्वर उन मुंद तान तान सहासन मा कुरतकु ईरोर, बाय इन भार देल बदिकु परमेश्वर उक प्रणाम माळकु <sup>17</sup> ईद अनली कुरतुर,

“हे सर्वशक्तमिान प्रभु परमेश्वर, जो आन अदकि जो ईरोन, नाव नीन धन्यवाद माळतेव कनि तान धोळ्द सामर्थ्य इक कयाल्सा दा तनकु राज्य माळ्या.

<sup>18</sup> अन्य जातीगोळ सट्टि दा तुमकु ईरोर,  
लेकीन नींद प्रकोप बंदकु बतित,  
अदकि अद समय बंदाद क्नि जो सोत्तुर आंदुरद न्याय माळकु आगुल,

अदकि नीनोर दास परमेश्वर उन बातणी केळसावाळेर

अदकि पवतिर लॉकुरी अदकि आ स्याण धोड्डेर इक जो  
नींद हेसुर देल अंजतार  
बदलुस्कु आगुल,  
अदकि पृथ्वी इक बगिळुसा वाळेर इक नष्ट माळकु आगुल.”

19 ✨आग परमेश्वर उन जो मंदरि स्वर्ग दा आद अद  
तेरकु आत, अदकि आऊन मंदरि दा आऊंदा वाचा अन्द संदुक  
कांळसत; अदकि बजिलीगोळ अदकि शब्द अदकि गर्जन अदकि  
भूकम्प आदव अदकि धोड्डेव ओला बदिदव.

## 12

### आर्त अदकि अजगर

1 बाक स्वर्ग दा ऊंद धोळ्द चनिह कांळसत, मतलब ऊंद  
आर्त जो सुर्य होदुकु ईरोर, अदकि बेळदगि आकनि काल दशी  
ईरोद, अदकि आकनि ताल्ला मा हन्नेळ तारागोळ्द मुकुट ईरोद.  
2 आक व्हाट्या दी आदुर, अदकि कटिरोर, यतकी आक प्रसव  
इन दुख दा ईरोर.

3 ऊंद अदकि चनिह स्वर्ग दा कांळसत; अदकि नोळी, ऊंद  
धोळ्द क्याचांद अजगर ईरोद, अदरी येळ ताल्ला अदकि हत्त  
गाँट्टा ईरव, अदकि अदुरद ताल्ला मा येळ राजमुकुट ईरव.

4 अदुर पुसटी आकाश इन तारा अन्द ऊंद तहिाई इक जेडुकु  
पृथ्वी मा हाक कोम्त. अद अजगर येनारा ईरोर आ आर्त इन  
मुंद ईरोद, नदिरुत कर्तियाग आक चगिद हाळदार रा आ चगिद  
उक नुंग कोमुल. 5 आक पार हाळदुर जो लोवा अन्द छळी इक  
ताकोमकु सप्पा जातीगोळ मा राज्य अन्द साटी बंदीदुन, अदकि  
आव पार एकाएक परमेश्वर उन हात्ती अदकि आऊन सहासन  
इन हात्ती नेगुकु पोहचुसकु आदुन; 6 अदकि आ आर्त आ आळी  
दा ओळतेला होदुर यल परमेश्वर उन दी टु आकनि साटी ऊंद

जागा तयार माळकु आगीत की अल आक ऊंद हजार येढ्ढ सौ साठ दनि ताका सालकु आगुल.

7 \*बाक स्वर्ग दा लळाई आत, मीकाईल अदकि आऊन स्वर्गदूत अजगर इन सांगुळ लळाई माळली होट्टुर; अदकि अजगर अदकि अदुर दूत आऊन सांगुळ लळुसदव. 8 लेकीन प्रबल आगीदील, अदकि स्वर्ग दा आंदुर साटी बाक जागा ईतीदील. 9 \*आग अद धोळ्द अजगर, मतलब अदा हाळोद हाव जो इब्लीस अदकि शैतान कहलुसतद अदकि पुरा दुनयिया अक भरमुसावाळा हुन, पृथ्वी मा केळसुस्कु आत, अदकि अदुर दूत अदुर सांगुळ केळसुस्कु आदव. 10 बाक ना स्वर्ग टु ईद धोळ्द शब्द बरतेला केळदीन,

“ईग नाम परमेश्वर उन उद्धार अदकि सामर्थ्य  
अदकि राज्य

अदकि आऊन मसीह अन्द अधिकार प्रगट आग्याद,  
यतकी नाम वारटुर मा दोष हचावाळा,  
जो ईळ्लक हागुल नाम परमेश्वर उन मुंद  
आंदुर मा दोष हचतोगोन केळसुस्कु आदुन.”

11 “आंदुर म्यांडा अन्द पाड्डा अन कारण  
अदकि तान गवाही इन वचन इन कारण  
आऊन मा जयवन्त आदुर,  
अदकि आंदुर तान जीव इक प्रयि जानसीदलि,  
ईल ताका की मृत्यु भी सहन माळ कौंडुर.”

12 “ई कारण हे स्वर्गगोळा अदकि अदुरदा ईरावाळेरा,  
मग्न ईरी; हे पृथ्वी, अदकि समुद्र, नीम मा हाय!  
यतकी शैतान बळा सट्टि इन सांगुळ नीम हात्ती ईळुकु बंदुन,  
यतकी जान्सत्या की थ्वाळासा अच समय अदकि बाकी  
आद.”

13 याग अजगर नोळ्त का ना पृथ्वी मा केडुकु आगेदीन, रा आ आर्त इक जो पार हाळीदुर, सतुस्त. 14 लेकीन आ आर्त इक धोळ गीधाळ इन येढ्ढ पक्का कोटकु आगीदव का हाव उन मुंद टु ऊळुसकु आळी दा आ जागा दा होटोगुल, यल अद ऊंद समय अदकि समयगोळ, अदकि आर्धा समय ताका पालस्कु आगुल. 15 अदकि हाव आ आर्त इन हदि तान बाय देल गांगा अन्द घाई नीर वाहुस्त का आकी ई गांगा देल वाहुस बुळुल. 16 लेकीन पृथ्वी आ आर्त इन सहायता माळ्त, अदकि तान बाय खोल्सकु आ गांगा अक जो अजगर तान बाय देल वाहुसीदुन कळुत. 17 आग अजगर आर्त मा गुस्सा आत्त, अदकि आकनि बाकी नव चकिोर देल, जो परमेश्वर उन आग्यागोळ इक मानसोर अदकि यीशु उन गवाही कोळदुर मा स्थरि आर, लळाई माळली होत्त. 18 अदकि अद समुद्र अन्द धुळा मा होगकु नीदुरकु ईत्त.

## 13

### येढ्ढ पशु

1 \*आग ना ऊंद पशु उक समुद्र दा टु होळ्त नोळदीन, यदुरद हत्त गाँट्टा अदकि येळ ताल्ला ईरव. अदुर गाँट्टागोळ मा हत्त राजमुकुट अदकि अदुर ताल्लागोळ मा परमेश्वर उन ननिदा नव हेसुर लखिसकु ईरव. 2 जो पशु ना नोळदीन अद चतिता अन्द घाई ईरोद; अदकि अदुर कालगोळ भालू घाई, अदकि बाय हुल्ली इन घाई ईरोद. अद अजगर तान सामर्थ्य अदकि तान सहासन अदकि धोळ्द अधिकार अदरी कोट बुळ्त. 3 ना अऊर्द ताल्लागोळ दा टु ऊंद मा हगि भयंकर घाव हतकु नोळदीन का हगि हतुल का अद सायदुर मा आद, बाक अदुरद प्राणघातक घाव वळलीद आगेत, अदकि सप्पा धरती इन लॉकुर आ पशु उन हदि-हदि अचम्भा माळतेला नळदुर. 4 लॉकुर अजगर इन पुजा

माळदुर, यतकी अद पशु उक तान अधकार कोट बुटीत, अदकि ईद अनकु पशु उन पुजा माळदुर, “ई पशु उन घाई याव आन? याव ईदुर से लळाई माळ सकतान?”

5 बळा बोल माताळली अदकि अपमान माळोर साटी अदरी ऊंद बाय कोटकु आग्याद, अदकि अदरी ब्यालीस तगिळ ताका क्याल्सा माळोद अधकार कोटकु आग्याद. 6 आव परमेश्वर उन अपमान माळोर साटी बाय तेरदुन क्कि आऊन हेसुर अदकि आऊन तम्बू मतलब स्वर्ग इन ईरावाळेर इन अपमान माळुल. 7 आऊक ईद भी अधकार कोटकु आग्याद क्कि पवतिर लाँकुर सांगुळ लळाई माळुल अदकि आंदुर मा जय सकिल, अदकि आऊक हर ऊंद कुल अदकि लाँकुर अदकि भाषा अदकि जाती मा अधकार कोटकु आग्याद. 8 धरती मा ईरावाळेर आंदुर सप्पा, यार हेसुर आ म्यांडा अनूद पाड्डा अनूद जीवन इन कतिाब दा लखिसकु आगीदील जो दुनया अन उत्पत्ति इन समय टु घात आग्याद, आ पशु उन पुजा माळ्यार.

9 यार कवि आव आव केळुल. 10 यारी कैद दा बळोद आद, आव कैद दा बदिदान; जो तलवार देल कौदान, जरूरी आद क्कि आव तलवार देल कौदकु आदान. पवतिर लाँकुर धीरज अदकि वशिवास ईदुर दा आद.

11 बाक ना ऊंद अदकि पशु उक पृथ्वी दा टु होळतेला नोळदनि, अदुरद म्यांडा अनूद पाड्डा अनूद घाई येढ्ढ गाँट्टा ईरव, अदकि अद अजगर इन घाई माताळोद. 12 अद आ पयला पशु उन पुरा अधकार अदुर मुंद क्याल्सा दा तरोद; अदकि पृथ्वी अदकि अदुरद ईरावाळेर देल आ पयला पशु उन, यदुरद जीव घातक घाव वळ्लीद आगेगीत, पुजा माळसुसोद. 13 अद धोळ-धोळ चनिह तोरसोन, ईल ताका क्कि मंळसागोळ्द मुंद स्वर्ग टु पृथ्वी मा बेक्की बरसुस बुळोन. 14 आ चनिहगोळ्द कारण, यारी आ पशु उन मुंद तोरसोद अधकार अदरी कोटकु आगीत, अद पृथ्वी इन ईरावाळेर इक भरमुसोद अदकि पृथ्वी इन ईरावाळेर

देल अनोद कऱिया पशु उक तलवार हतीत अद जत्तिता आग्याद, अदुरद मूर्तमाळी. <sup>15</sup>अदरी आ पशु उन मूर्तदिा जीव हाककोद अधिकार कोटकु आग्याद कऱि पशु उन मूर्तमाताळली हतुल, अदकि यास लॉकुर आ पशु उन मूर्त इन पुजा माळतीदील, आंदरी कोन्सुस बुळुल. <sup>16</sup>आव स्यांळ्द-धोळ, धनी-कंगाल, स्वतंत्र-दास सप्पा मुंदुर ऊम्मा कय दी या आंदुर मस्तक मा ऊंद ऊंद छाप माळ बुट्टुन, <sup>17</sup>कऱि अदरी बटिकु याऊन मा छाप मतलब आ पशु उन हेसुर या अदुर हेसुर इन अंक ईरूल, दुसरा यावारा लेन-देन माळ ईला सकुल.

<sup>18</sup>ग्यान ईदुर दा आदः यारी बुद्धी आद आव ई पशु उन अंक जोळ्स कोमुल, यतकी अद मळसा अन्द अंक हुन, अदकि अदुर अंक आर सौ छैसठ आद.

## 14

### मेमना अदकि अदुर लॉकुर

<sup>1</sup> \*बाक ना नजर माळदीन, अदकि नोळी, आ म्यांडा अन्द पाड्डा सयियोन पहाळ मा नीदुरकु आद, अदकि अदुर सांगुळ ऊंद लाख चौवालीस हजार मुंदुर आर, यार हयाणा मा आऊन अदकि आऊन आप्प उन हेसुर लखिसकु आद. <sup>2</sup>अदकि स्वर्ग टु नानी ऊंद हगि शब्द केळ बत्त जो नीर इन हापाळ धारागोळ अदकि बळा गर्जन इन शब्द ईरोद, अदकि जो शब्द ना केळदीन अद हगि ईरोद मान्सी वीणा मुरसावाळेर वीणा मुरसेत्तार. <sup>3</sup>आंदुर सहासन इन मुंद अदकि नाकु प्राणीगोळ अदकि स्याणागोळ्द मुंद ऊंद वहाशोद हाळ हाळोर. आ ऊंद लाख चौवालीस हजार लॉकुरी बटिकु, जो पृथ्वी मा टु कोंडकु आगीदुर, यारू आ हाळ इक कलु ईला सकोर. <sup>4</sup>इंदुर आंदुर उर जो आर्तेर सांगुळ अशुध्द आगीदील, पर कुवारा आर; इंदुर आंदुरा उर कऱि येल्यारा म्यांडा

अनन्द पाङ्डा होगतद, अऊर आऊन हदि आगोगतार; इंदुर रा परमेश्वर उन नमितित पयला फल आगोर साटी मंळसागोळ दा टु कोंडकु आग्यार. 5 आंदुर बाय दा टु यागलु ख्वाटा मात होटीदलि, आंदुर नरिदोष आर.

### मुर स्वरगदूत

6 बाक ना ऊंद अदकि स्वरगदूत उक आकाश इन न्याड्या दा उळुसतेला नोळदीन, यार हात्ती पृथ्वी माकळोर ईरावाळेरद हर ऊंद जाती, अदकि कुल, अदकि भाषा, अदकि लॉकुरी केळसोर साटी अनन्त खुशखबरी ईरव. 7 स्वरगदूत धोळ शब्द देल अंदुन, “परमेश्वर से अंजी, अदकि आऊन महमा माळी, यतकी आऊन न्याय माळोद समय होट बंदाद; अदकि आऊन भजन माळी, याव स्वरग अदकि पृथ्वी अदकि समुद्र अदकि नीर इन झरना माळ्यान.”

8 \*बाक इदुर बाददा ऊंद मात्त, दुसरा, स्वरगदूत ईद अनतेला बंदुन, “बत्तित, आ धोळ बेबीलोन बत्तित, यार तान व्यभचार इन कोपमय सारा पुरा जातीगोळी इक कुळस्याद.”

9 बाक इंदुर बाददा ऊंद मात्त, तीसरा, स्वरगदूत धोळ शब्द देल ईद अनतेला बंदुन, “जो यावारा आ पशु अदकि अदुरद मूर्त्ति इन पुजा माळुल, अदकि तान हयाणा या तान कय मा अदुरद छाप ताकोमुल 10 अद परमेश्वर उन प्रकोप इन नरि सारा, जो आऊन सटिट इन कटोरा दा हाक्कु आग्याद, कुळदान अदकि पवतिर स्वरगदूतगोळद मुंद अदकि म्यांडा अनन्द पाङ्डा अनन्द मुंद बेक्की अदकि गन्धक इन पीळा दा बदिदान. 11 आदुरद पीळा अनन्द धुंगा हमेशा हमेशा येळतेला ईत्तीत, अदकि जो आ पशु अदकि अदुरद मूर्त्ति इन पुजा माळतार, अदकि जो अदुर हेसुर इन छाप ताकोमतार, आंदरी ईळ्लक हागुल चैन सकितीदील.”

12 पवतिर लॉकुरद धीरज इदुर दा आद, जो परमेश्वर उन आग्यागोळ इक मानसतार अदकि यीशु मा वशिवास ईटतार.

13 बाक ना स्वर्ग टु ईद शब्द केळदीन, “कलिखिसः जो मुर्दा प्रभु दा सायतान, आंदुर ईग टु धन्य आर.”

आत्मा अनतद, “हव, यतकी आंदुर तान पुरा मेहनत देल आराम ताकोडार, अदकि आंदुर कार्य आंदुर सांगुळ ईत्ताव.”

### कटाई

14 ना दृष्टी माळदीन, अदकि नोळी, नान मुंद ऊंद बळीद ढग आद, अदकि आ ढग मा मळसा अन पार उन घाई यावारा कुरतकु आन, आऊन ताल्ला मा वहानना अन्द मुकुट अदकि कय दा पन्यार कुळगुल आद. 15 बाक ऊंद अदकि स्वर्गदूत मंदरि दा टु होटकु आऊन से, जो ढग मा कुरतकु ईरोन, धोळ शब्द देल काहूकु अंदुन, “तान कुळगुल हचकु कटाई माळ, यतकी कटाई इन समय होट बंदान, इदुरसाटी कि पृथ्वी इन केई इन फसल हण्ण आगेग्याद.” 16 इदुरसाटी जो ढग मा कुरतकु ईरोन आव पृथ्वी मा तान कुळगुल हचदुन, अदकि पृथ्वी इन केई इन कटाई माळदुन.

17 बाक ऊंद अदकि स्वर्गदूत आ मंदरि दा टु होट्टुन जो स्वर्ग दा आन, अदकि आऊन हात्ती भी पन्यार कुळगुल ईरोद.

18 बाक ऊंद अदकि स्वर्गदूत, यारी बेक्की मा अधकार ईरोद, वेदी दा टु होट्टुन, अदकि यार हात्ती पन्यार कुळगुल ईरोद आऊन से धोळ शब्द देल अंदुन, “तान पन्यार कुळगुल हचकु पृथ्वी इन अंगुर इन केई इन काय इन गुच्छा कडुकोम, यतकी अद अंगुर इन काय हण्ण आगेग्याद.” 19 आग आ स्वर्गदूत पृथ्वी मा तान कुळगुल हचदुन अदकि पृथ्वी इन अंगुर इन गुच्छा अन्द काय कडुकु तान परमेश्वर उन प्रकोप इन धोळ रसकुण्ड दा हाक्क बुट्टुन; 20 \*अदकि नगर इन व्हार्या आ



रसकुण्ड दा अंगुर मेटकु आदव, अदकि रसकुण्ड दा टु ईट रक्ता होळत कि घवाळा अन्द लगामगोळ ताका पहुचुस्त, अदकि मुर सौ कलिमीटर ताका वाहुसेत.

## 15

आखरी परेशानीगोळ सांगुळ स्वर्गदूत

1 बाक ना स्वर्ग दा ऊंद अदकि धोळ अदकि अदभुत चनिह नोळदीन, मतलब येळ स्वर्गदूत यार हात्ती येळु आखरी परेशानीगोळ ईरव, यतकी अदुर खतम आगदुर मा परमेश्वर उन प्रकोप इन अन्त आद.

2 आग ना बेक्की दा मलिसकु काँच इन घाई ऊंद समुद्र नोळदीन; अदकि जो लॉकुर आ पशु मा अदकि अदुरद मूर्त्ति मा अदकि अदुर हेसुर इन अंक मा जयवन्त आगीदुर, आंदरी आ काँच इन समुद्र अन्द हात्ती परमेश्वर उन वीणागोळ इक हुळकु नीदुरकु नोळदुर. 3 आंदुर परमेश्वर उन दास मूसा अन्द हाळ, अदकि म्यांडा अन्द पाड्डा अन्द हाळ, हाळ हाळकु अनतोगोर, “हे सर्वशक्तमिान प्रभु परमेश्वर,

नीन कार्य महान अदकि अदभुत आव;  
हे युगयुग इन राजा,

नीन चाल वळलीद अदकि खरा आद.”

4 “हे प्रभु, याव नीन से अंजतीदील  
अदकि नीन हेसुर इन महामिा माळतीदील?  
यतकी सरिफ नी आबना अच पवतिर आय.

पुरा द्याश इन लॉकुर बंदकु

नीन मुंद दण्डवत माळ्यार,

यतकी नीन न्याय इन क्याल्सा प्रगट आगेग्याव.”

5 इदुर बाददा ना नोळदीन कि स्वर्ग दा गवाही इन तम्बू उन मंदरि खोल्सकु आग्याद; 6 अदकि आंदुर येळु स्वर्गदूत

यार हात्ती येळु परेशानीगोळ ईरव, मलमल इन शुद्ध अदकि चमकदार कपळा हाक्कु अदकि याद्दा मा व्हान्ना अन्द पट्टागोळ कटकु मंदरि टु होट्टुर. <sup>7</sup> आग आ नाकु प्राणीगोळ दा टु ऊंद आ येळु स्वर्गदूतगोळी परमेश्वर, जो हमेशा हमेशा जत्तिता आन, आऊन प्रकोप देल तुमकु व्हान्ना अन्द येळु कटोरा कोट्टुर; <sup>8</sup> अदकि परमेश्वर उन महिमा अदकि आऊन सामर्थ्य अन कारण मंदरि धुंगा देल तुम्मेत, अदकि यागासताका आ येळु स्वर्गदूतगोळद येळु परेशानीगोळ खतम आगीदील आगासताका याऊ मंदरि दा होग सकदील.

## 16

परमेश्वर उन प्रकोप इन येळु कटोरा

<sup>1</sup> बाक ना मंदरि दा यारीकारा ऊंचा शब्द देल आ येळु स्वर्गदूतगोळ देल ईद अनतेला केळदनि, “होगी, परमेश्वर उन प्रकोप इन येळु कटोरागोळ इक पृथ्वी मा पलटुस बुळी.”

<sup>2</sup> इदुरसाटी पयले स्वर्गदूत होगकु तान कटोरा पृथ्वी मा पलटुस बुट्टुन. आग आ मळसागोळ्द, यार मा पशु उन छाप ईरव अदकि जो अदुर्द मूर्त इन पुजा माळोर, ऊंद प्रकार इन बुरा अदकि दुखदाई फ्वाळा होळ्त.

<sup>3</sup> दुसरा स्वर्गदूत तान कटोरा समुद्र मा उलटुस बुट्टुन, अदकि आव सोतकु मळसा अन्द रक्ता घाई बन्सेदुन, अदकि समुद्र दाकळव हर ऊंद जीवधारी सोतोदव.

<sup>4</sup> तीसरा स्वर्गदूत तान कटोरा गांगागोळ अदकि नीर इन झरनागोळ मा पलटुस बुट्टुन, अदकि आंदुर रक्ता बन्सदुर. <sup>5</sup> आग ना नीर इन स्वर्गदूत उक ईद अनतेला केळदीन, “हे पवतिर, जो आद अदकि जो ईरोद, नी न्यायी आय अदकि नी ईद न्याय माळ्द. <sup>6</sup> यतकी आंदुर पवतिर लाँकुर अदकि भवष्यवक्तागोळ्द रक्ता वाहुसीदुर, अदकि नी आंदरी रक्ता

कुळसद; यतकी आंदुर ईदा योग्य आर.” 7 बाक ना वेदी टु ईद शब्द केळदीन, “हव, हे सर्वशक्तमिान प्रभु परमेश्वर, नीन नरिणय वळ्लीद अदकि खरा आद.”

8 चौथा स्वर्गदूत तान कटोरा सुर्य मा उलटुस बुट्टुन, अदकि आऊक मंळसागोळ इक बेक्की देल झुलसुसोद अर्धाकार कोटकु आत. 9 मंळसा हापाळ बसिल देल झुलसुसदुर, अदकि परमेश्वर उन हेसुर इन यारी ई परेशानीगोळ मा अर्धाकार आद, अपमान माळदुन लेकीन आऊन महमा माळोर साटी मन तरिगुसदील. आऊन महानता अन्द प्रशंसा माळतार.

10 पाचवा स्वर्गदूत तान कटोरा आ पशु उन सहिसन मा पलटुस बुट्टुन, अदकि आऊन राज्य मा अंधार छासेत. लांकुर दुख इन मारा तान तान ल्यालग्या कचली हतदुर, 11 अदकि तान पीळागोळ अदकि फ्वाळागोळ्द कारण स्वर्ग इन परमेश्वर उन अपमान माळदुर; लेकीन तान तान क्याल्सागोळ देल मन तरिगुसदील.

12 सहावा स्वर्गदूत तान कटोरा महागांगा फुरात मा पलटुस बुट्टुन, अदकि अदुरद नीर वंळगेत की पूर्व दशिा अन्द राजागोळ्द साटी हादी तयार आगेगुल. 13 बाक ना आ अजगर इन बाय देल, अदकि आ पशु उन बाय देल अदकि आ ख्वाटा भवषियवक्ता अन्द बाय देल मुर अशुध्द आत्मागोळ इक भ्याबकागोळ्द रूप दा होळतेला नोळदनि. 14 ईव चनिह तोर्सावाळेर दुष्टआत्मागोळ हुव, जो पुरा दुनयिा अन राजागोळ्द हात्ती होंटकु इदुरसाटी होगताव की आंदरी सर्वशक्तमिान परमेश्वर उन आ धोळ दनि इन लळाई इन साटी जमा माळुल.

15 ☆“नोळ, ना काळ्ल उन घाई बरतीन; धन्य आव आन जो जागस्तेला ईरतान, अदकि तान कपळागोळ्द सावधानी

☆ 16:15 १६:१५ मत्ती २४:४३,४४; लूका १२:३९,४०; प्रकाशतिवाक्य ३:३

माळतान की ऊगळा वयाळबाळुल, अदकि लॉकुर आऊन ऊगळापन नोळबाळुल.”

16 अदकि आंदुर आंदरी आ जागा दा जमा माळदुर जो इब्रानी दा हर-मगदिन कहलुसतद.

17 सातवा स्वरगदूत तान कटोरा हवा मा उलटुसदुन, अदकि मंदरि इन सहासन टु ईद धोळ शब्द आत, “आगेग्याद!”

18 \*बाक बजिलीगोळ चमकुसदव, अदकि शब्द अदकि गर्जन आत, अदकि ऊंद हगि धोळ भूकम्प बत्त की यागी टु मळसा अन्द उत्पत्ती पृथ्वी मा आत, आगी टु हगि धोळ भूकम्प यागलु बंददील.

19 इदुर देल आ धोळ नगर इन मुर तुकळा आगेदव, अदकि गैर यहूदीगोळव नगर बदिदव; अदकि धोळ बेबीलोन इन याद परमेश्वर उन अल आत की आव तान सट्टि इन जलजलाहट इन सारा आऊक कुळसुल.

20 \*अदकि हर ऊंद टापू तान जागा टु टलुसेत, अदकि पहाळगोळद पता हतीदील.

21 \*आकाश टु मळसागोळ मा मन-मन तुमकु धोळ गारगोटी बदिदव, अदकि इदुरसाटी की ईद वपित्ती हापाळ अच भारी ईरोद, लॉकुर गारगोटी इन वपित्ती इन कारण परमेश्वर उन अपमान माळदुर.

## 17

### धोळ वेश्या

1 या येळ स्वरगदूतगोळद हात्ती अव येळ कटोरा ईरव, आंदुर दा टु ऊंद बंदकु नान से ईद अंदुन, “ईल बर, ना नीनी आ धोळ वेश्या अन्द दण्ड तोरसाईन, जो हापाळ सा नीर मा कुरतकु आर,  
2 यार सांगुळ पृथ्वी इन राजागोळ व्यभचारि माळदुर; अदकि पृथ्वी इन ईरावाळेरे आऊन व्यभचारि इन सारा देल मतवाला आगेगीदुर.”

☆ 16:18 १६:१८ प्रकाशतिवाक्य ८:५; ११:१३,१९ ☆ 16:20 १६:२०  
प्रकाशतिवाक्य ६:१४ ☆ 16:21 १६:२१ प्रकाशतिवाक्य ११:१९

3 ✨आग आव नानी आत्मा दा आळी दी ओतुन, अदकि ना क्याचांद पशु मा, जो अपमान इन हेसुरगोळ देल तुमकु ईरोद अदकि यार येळ ताल्ला अदकि हत्त गाँट्टा ईरव, ऊंद आर्त इक कूर्तकु नोळदनि. 4 ई आर्त जाभळा रंग इन अदकि क्याचांद रंग इन कपळा हाक्कु ईरोर, अदकि व्हानना अदकि कमिती मणगिोळ अदकि मोतगिोळ देल सजुस्कु ईरोर, अदकि आकनि कय दा ऊंद व्हानना अनूद कटोरा ईरोद जो बेकार वस्तुगोळ देल अदकि आकनि व्यभचार इन अशुध्द वस्तुगोळ देल तुमकु ईरोद. 5 आकनि ह्याणा मा ई हेसुर लखिसकु ईरोद, “भेद-धोळ बेबीलोन पृथ्वी इन वेश्यागोळ अदकि बेकार वस्तुगोळ्द मोय.” 6 ना आ आर्त इक पवतिर लॉकुरद रक्ता अदकि यीशु उन गवाहगोळ्द रक्ता कुळदुर देल मतवाला नोळदीन;

आकी नोळकु ना चकति आगेदीन. 7 आग आ स्वर्गदूत नान से अंदुन, “नी येती चकति आद? ना ई आर्त अदकि आ पशु उक, यदुर मा आक सवार आर अदकि यार येळ ताल्ला अदकि हत्त गाँट्टा आव, नीनी भेद हेळतीन.

8 ✨“जो पशु नी नोळया, अद पयला रा ईरोद पर ईग ईल्लच, अदकि अथाह अधोलोक दा टु होटकु वनिाश दा बदिदीत; अदकि पृथ्वी इन ईरावाळेर यार हेसुर दुनया अन उत्पत्तति इन समय टु जीवन इन कतिाब दा लखिसकु आगीदील, ई पशु उन ईद दशा नोळकु का पयला ईरोद अदकि ईग ईल्लच अदकि बाक होट बंदीत, अचम्भा माळ्यार. 9 आ बुद्धी इन साटी यारदा ग्यान आद, ईदा मवका आद: अव येळु ताल्ला येळ पहाळ हुव यार मा आ आर्त कूर्तकु आर. आंदुर येळ राजा भी उर. 10 अव येळ राजा भी हुव, अईद रा आगेग्याव, अदकि ऊंद ईग आन, अदकि ऊंद ईग ताका बरली आन, अदकि याग बंदान रा येनारा समय ताका अदुर्द ईरोद भी जरूरी आद. 11 जो पशु

पयला ईरोन, अदकि ईग ईल्लच, आव खुद आटवा हुन अदकि आ येळु दा टु पैदा आदुन, अदकि वनाश दा बदिदान. 12 जो हत्त गाट्टा नी नोळ्द अव हत्त राजा हुव यारी ईग ताका राज्य सक्कीदील, पर आ पशु उन सांगुळ घळी तीमोर साटी राजागोळ घाई अधिकार सक्कीत. 13 ईव सप्पा ऊंद मन आदार, अदकि अव तान तान सामर्थ्य अदकि अधिकार आ पशु उक कोट्टार. 14 अव मेमनागोळ देल लळाई माळ्याव, अदकि म्यांडा अनूद पाड्डा अऊर मा जय पाऊस्याव, यतकी आव प्रभुगोळ प्रभु अदकि राजागोळ राजा हुव, अदकि जो कारूकु आग्याव अदकि नविळुसकु आग्याव अदकि वशिवासी आव अव आऊन सांगुळ आव; आंदुर भी जय पाऊस्याव.”

15 बाक आव नान से अंदुन, “जो नीर नी नोळ्द, यदुर मा वेश्या कुर्तकु आर, आंदुर रा लांकुर अदकि भीळ अदकि जातीगोळ अदकि भाषागोळ हुव. 16 जो हत्त गाट्टा नी नोळ्द, अव अदकि पशु आ वेश्या देल दुश्मनी ईट्याव, अदकि आकी लाचार अदकि नंगा माळ बुट्टाव, अदकि आकनि मास तीन बुट्टाव, अदकि आकी बेक्की दा होताक बुट्टाव. 17 यतकी परमेश्वर आंदुर मन दा ईद हाक्यान की आंदुर आऊन मनसा पुरा माळुल, अदकि यागासताका परमेश्वर उन वचन पुरा आगाल्द आगासताका ऊंद मन आगकु तान तान राज्य पशु उक कोटबुळी. 18 आ आर्त, यारी नी नोळ्द, अद धोळ नगर हुन जो पृथ्वी इन राजागोळ मा राज्य माळतद.”

## 18

### बेबीलोन इन पतन

1 इदुर बाददा ना ऊंद स्वर्गदूत उक स्वर्ग टु ईळुतेला नोळदीन, यारी धोळ अधिकार प्राप्त ईरोद; अदकि पृथ्वी आऊन तेज देल चमकुसकु येळ्त. 2 \*आव धोळ शब्द

देल कारूकु अंदुन, “बदिदोत, धोळ बेबीलोन बदिदोत! अद दुष्टआत्मागोळद नवास, अदकि हर ऊंद अशुध्द आत्मा अन्द हड्डा, अदकि हर ऊंद अशुध्द अदकि बेकार पक्षी इन हड्डा आगेत. <sup>3</sup> यतकी आऊन व्यभचार इन भयानक सारा अन्द कारण सब जातीगोळ बदिव, अदकि पृथ्वी इन राजागोळ आऊन सांगुळ व्यभचार माळदुर, अदकि पृथ्वी इन व्यापारी आऊन सुख-वलास इन बहुतायत इन कारण धनवान आदुर.”

<sup>4</sup> बाक ना स्वर्ग टु ऊंद अदकि शब्द केळदीन, “हे नान लॉकुरा, आऊन दा टु होटबुळी की नीव आऊन पापगोळ दा भागी आगबाळी, अदकि आऊन वतितगोळ दा टु याऊ नीम मा बरबाळुल. <sup>5</sup> यतकी आऊन पापगोळ्द ढेर स्वर्ग ताका पहुचुसेत, अदकि आऊन अपराध परमेश्वर उक याद होट बंदाव. <sup>6</sup> ह्यांग आव नीमी कोट्टुन हांग अच आऊक कोळी, अदकि आऊन क्यालसागोळ्द अनुसार आऊक येढ्ढ गुणा ज्यादा कोळी; या कटोरा दा आव तुमकु कोटीदुन अदुर दा आऊन साटी येढ्ढ गुणा तुमकु कोळी.” <sup>7</sup> याट आव तान बळाई माळदुन अदकि सुखवलास माळदुन, आट आऊक दुख अदकि शोक कोळी; यतकी अद तान मन दा अनतद, “ना रानी आगकु कुरतीन, रांड्यागीत ईला; अदकि शोक दा यागलु बळितीदील.” <sup>8</sup> ई कारण ऊंद अच दनि दा आकी मा परेशानीगोळ होट बंदाव, मतलब सायोद, अदकि शोक, अदकि अकाल, अदकि आक बेक्की दा भसम माळकु आदार, यतकी आकनि न्यायी प्रभु परमेश्वर शक्तमिान आन.

<sup>9</sup> “पृथ्वी इन राजा यार आऊन सांगुळ व्यभचार अदकि सुख-वलास माळदुन, याग आऊन होत्तोद धुंगा नोळयार, रा आऊन साटी वर्लेयार अदकि याद्दा पीटस्यार.” <sup>10</sup> आऊन पीळा अन्द अंजूक इन मारा आंदुर बळा दुर नीदुरकु अंदार, “हे धोळ नगर, बेबीलोन! हे मजबूत नगर, हाय! हाय! घळीतीम दा अच नीनी

दण्ड सकिग्याद.”

11 “पृथ्वी इन व्यापारी आऊन साटी वर्लेयार अदकि कलपुस्यार, यतकी ईग याऊ आंदुर माल कोम सकालुन; 12 मतलब व्हानना, बेळ्ली, रत्न, मोती, अदकि मलमल, अदकि जांभळा, रेशमी, अदकि क्याचांद रंग इन कपळा, अदकि हर प्रकार इन सुगन्धति हुळ्ली अदकि हत्ती इन हल्ल इन हर प्रकार इन वस्तुगोळ, अदकि कमिती काठ अदकि पीतळा अदकि लोवा अदकि संगमरमर इन सब प्रकार इन वस्तुगोळ, 13 अदकि ब्याळा चाकरा, मसाला, धूप, अत्तर, लुबान, सारा, जैतुन इन याण्णा, मैदा, गोदी, गोसी-वस्ता, म्यांडा-आळगोळ, घ्वाळा रथ, अदकि दास, अदकि मंळसागोळ्द जीव. 14 ईग नीन मन भाऊसावाळा काय नीन हात्ती टु होगतेला ईत्तव, अदकि स्वादष्टि अदकि भळकीला वस्तुगोळ नीन से दुर आगेग्याव, अदकि अव बाक यागलु सकितीदील.” 15 ई वस्तुगोळ व्यापारी जो आऊन द्वारा धनवान आगीदुर, आऊन पीळा अन्द अंजक इन मारा दुर नीदुरकु ईत्तार, अदकि वर्लतेला अदकि कलपुस्तेला अंदार, 16 “हाय! हाय! ईद धोळ नगर जो मलमल, अदकि जांभळा रंग इन अदकि क्याचांद रंग इन कपळा हाक्कु ईरोन, अदकि व्हानना अदकि रत्नगोळ अदकि मोतगोळ देल सजुस्कु ईरोन; 17 घळीतीम दा अच आऊन हगि भारी धन नाश आगेत.” हर ऊंद माँझी अदकि यात्री अदकि मल्लाह, अदकि याट समुद्र टु कमुसतार, सब दुर नीदुरदुर, 18 अदकि आऊन होत्तोद धुंगा नोळकु कारूकु अंदार, “यातोद नगर ई धोळ नगर इन घाई आद?” 19 अदकि तान तान ताल्लागोळ मा धुळा हाक्यार, अदकि वर्लतेला अदकि कलपुस्तेला चलिलास चळिलासकु अंदार, “हाय! हाय! ईद धोळ नगर यदुरदुद सम्पत्ति इन द्वारा समुद्र अन्द सब जहाजवाळेर धनी आगेगीदुर, घळीतीम दा अच ऊजळुसेत.”



20 हे स्वर्ग, अदकि हे पवतिर लॉकुरा, अदकि परेरतिगोळा, भवषियवक्तागोळ, आऊन मा आनन्द माळी, यतकी परमेश्वर न्याय माळकु आऊन से नीम्द बदला ताकोंडुन!

21 बाक ऊंद बलवान स्वर्गदूत बळा चक्की इन पट्टा अन्द घाई ऊंद कल्ल नेगदुन, अदकि ईद अनकु समुद्र दा भीट बुट्टुन, धोळ नगर बेबीलोन हगि अच धोळ ताकत देल केडुकु आदीत, अदकि बाक यागलु अदुर पता हततदील. 22 वीणा मुरसावाळेर, अदकि गायकगोळा, अदकि कोळल मुरसावाळेरा, अदकि तुरही ऊयावाळेरद शब्द बाक यागलु नीन दा केळ बरतीदील; अदकि यावारा उद्धम उन यावारा कारीगर भी बाक यागलु नीन दा मल्लिसतीदील; अदकि जाता अन्द नळोद आवाज बाक यागलु नीन दा केळ बरतीदील; 23 अदकि दगिया अन्द ऊजुळ बाक यागलु नीन दा चमकुसतीदील, अदकि मळगार अदकि मळगीत इन शब्द बाक यागलु नीन दा केळ बरतीदील; यतकी नीन व्यापारी पृथ्वी इन प्रधान ईरोर, अदकि नीन टोना देल सब जातीगोळ भरमुसकु आगीदव.

24 भवषियवक्तागोळ अदकि पवतिर लॉकुर, अदकि पृथ्वी मा सब घात माळकु आदुर आंदुरद रक्ता आऊन दा सकियाद.

## 19

1 इदुर बाददा ना स्वर्ग दा मान्सी धोळ भीळ इक ऊँचा शब्द देल ईद अनतेला केळदीन, “हल्लल्लिय्याह! उद्धार अदकि महमा अदकि सामर्थ्य नाम्द परमेश्वर उन अच हुन. 2 यतकी आऊन नरिणय खरा अदकि ठीक आव. आव आ धोळ वेश्या अन्द, जो तान व्यभिचार देल पृथ्वी इक भ्रष्ट माळोर, न्याय माळदुन अदकि आकनि से तान दासगोळद रक्ता अन बदला ताकोंडुन.” 3 बाक दुसरा बार आंदुर अंदुर, “हल्लल्लिय्याह! आऊन होत्तोद धुंगा हमेशा हमेशा येळतेला ईत्तीत.” 4 आग चोवीस स्याणागोळ अदकि नाक प्राणीगोळ बदिक् परमेश्वर

उक प्रणाम माळदुर, जो सहिसन मा कुरतकु ईरोन, अदकि अंदुन, “आमीन! हल्लल्लिय्याह!”

### मेमना अन्द मदा

5 आग सहिसन दा टु ऊंद शब्द होळत, “हे नामव परमेश्वर देल सब अंजावाळेर दासगोळा, येन स्याणेव, येन धोड्डेव; नीव सब आऊन स्तुति माळी.” 6 बाक ना धोळ भीळ इन घाई अदकि हापाळ नीर इन घाई शब्द, अदकि गर्जन इन घाई धोळ शब्द केळदीन: “हल्लल्लिय्याह! यतकी प्रभु नाम्द परमेश्वर सर्वशक्तमिान राज्य माळतान. 7 बरी, नाव आनन्दति अदकि मग्न आगाता, अदकि आऊन स्तुति माळाता, यतकी म्यांडा अन्द पाड्डा अन्द मदा होट बंदाद, अदकि आऊन मंळगीत तान तान इक तयार माळ कोंडुर. 8 आऊक शुद्ध अदकि चमकदार महीन मलमल हाक्कोद अधिकार कोटकु आग्याद.” यतकी आ साफ मलमल इन मतलब पवतिर लॉकुरद न्याय इन क्याल्सा आद.

9 ✨आग स्वरगदूत नान से अंदुन, “ईद लखिस क्धि न्य आंदुर आर, जो म्यांडा अन्द पाड्डा अन्द मदा अन्द भोज दा कारूकु आग्यार.” बाक आव नान से अंदुन, “ई वचन परमेश्वर उन सत्य वचन हुन.”

10 आग ना आऊक प्रणाम माळोर साटी आऊन कालगोळ मा बदिदीन. आव नान से अंदुन, “नोळ, हगि माळबाळ, ना अपमान अदकि नीन वारटुरगोळद संगी दास हुईन जो यीशु उन गवाही कोळदुर मा स्थरि आन. परमेश्वर उक अच प्रणाम माळ.” यतकी यीशु उन गवाही भवषियवाणी इन आत्मा हुन.

### बळिद घ्वाळा मा कुरावाळा

11 बाक ना स्वरग इक तेरूकु नोळदीन, अदकि नोळतीन क्धि ऊंद बळिद घ्वाळा आद; अदकि अदुर मा ऊंद सवार आन, जो

वशिवासयोग्य अदकि सत्य कहलुस्तान; अदकि आव न्याय इन सांगुळ न्याय अदकि लळाई माळतान. 12 आऊन कण्णगोळ बेक्की इन ज्वाला आव, अदकि आऊन ताल्ला मा हापाळ सा राजमुकुट आव. आऊन मा ऊंद हेसुर लखिसकु आद, यारी आऊक बटिकु अदकि याऊ जान्सालुन. 13 आव रक्ता सप्सिकु कपळा हाक्कु आन, अदकि आऊन हेसुर परमेश्वर उन वचन हुन. 14 स्वर्ग इन सेना बळ्ळीद घ्वाळागोळ मा सवार अदकि बळ्ळीद अदकि शुद्ध मलमल कपळा हाक्कु आऊन हदि हदि आर. 15 ✨जाती जाती इक बडोर साटी आऊन बाय देल ऊंद तेज धार इन तलवार होळतद. आव लोवा अनूद छळ्ळी हुळकु आंदुर मा राज्य माळ्यान, अदकि सर्वशक्तमान परमेश्वर उन भयानक प्रकोप इन जलजलाहट इन सारा अनूद कुंड दा अंगुर मेट्यान. 16 आऊन कपळा अदकि जांघ मा ईद हेसुर लखिसकु आद: “राजागोळ राजा अदकि प्रभुगोळ प्रभु.”

17 बाक ना ऊंद स्वर्गदूत उक सुर्य मा नीदुरकु नोळदीन. आव धोळ शब्द देल कारूकु आकाश इन न्याड्या दा टु ऊळुसावाळेर सब पक्षीगोळ देल अंदुन, “बरी, परमेश्वर उन धोळ भोज इन साटी जमा आगोगी, 18 यदुर देल नीव राजागोळ्द मास, अदकि सरदारगोळ्द मास, अदकि शक्तमान गळ्सगोळ्द मास, अदकि घ्वाळागोळ्द अदकि अऊर मा सवार आगतार आंदुर मास, अदकि येन स्वतंत्र येन दास, येन स्याणेव येन धोड्डेव, सब लॉकुरद मास तनी.”

19 बाक ना आ पशु, अदकि पृथ्वी इन राजागोळ इक अदकि आंदुरद सेनागोळ इक आ घ्वाळा अनूद सवार अदकि आऊन सेना से लळाई माळोर साटी जमा नोळदीन. 20 ✨अद पशु, अदकि अदुर सांगुळ आव ख्वाटा भवषियवक्ता हुळकु आदुन याव आऊन मुंद हगि चनिह तोरसीदुन यदुर द्वारा आव आंदरी

✨ 19:15 १९:१५ प्रकाशतिवाक्य १४:२०

✨ 19:20 १९:२० प्रकाशतिवाक्य

भरमुसदुन यदुर मा आ पशु उन छाप ईरोद अदकि जो अदुर मूर्त्ति इन पुजा माळतोगोर. ईव येददु जतिता जीव आ बेककी इन झील दा, जो गन्धक देल होततद, हाक्कु आदुर. <sup>21</sup> बाकी नोर लॉकुर आ घ्वाळा अन्द सवार इन तलवार देल, जो अदुर बाय देल होळतोगोद, कोंदकु आदुर; अदकि सब पक्षी आंदुर मास देल संतुष्ट आगोदुर.

## 20

### हजार वर्ष इन राज्य

<sup>1</sup> बाक ना ऊंद स्वर्गदूत उक स्वर्ग टु ईळुतेला नोळदीन, याऊन कय दा अथाह-अधोलोक इन कुंजी अदकि ऊंद धोळ शंकली ईरोद. <sup>2</sup> आव आ अजगर, मतलब हाळोद हाव इक, जो इब्लीस अदकि शैतान आन, हुडुकु हजार वर्ष इन साटी कट बुट्टुन, <sup>3</sup> अदकि अदरी अथाह-अधोलोक दा हाक्कु बंद माळ बुट्टुन अदकि अदुर मा मोहर हच बुट्टुन क्ति अद हजार वर्ष इन पुरा आगासताका गैर यहूदी लॉकुरी बाक भरमुस बाळुल. इदुर बाददा जरूरी आद क्ति अद घळी तीम साटी बाक खोल्सकु आगुल.

<sup>4</sup> बाक ना सहिसन नोळदीन, अदकि अऊर मा लॉकुर कुरतुर, अदकि आंदरी न्याय माळोद अधिकार कोटकु आत. ना आंदुर आत्मागोळ इक भी नोळदीन, यार ताल्ला यीशु उन गवाही कोळोद अदकि परमेश्वर उन वचन इन कारण कडुकु आगीदव, अदकि यार ना आ पशु उन, अदकि ना अदुर मूर्त्ति इन पुजा माळीदुर, अदकि ना अदुर छाप तान ह्याणा अदकि कयगोळ मा ताकोंडीदुर. आंदुर जतिता आगकु मसीह अन्द सांगुळ हजार वर्ष ताका राज्य माळतेला ईरूल. <sup>5</sup> यागासताका ईव हजार वर्ष पुरा आगीदील आगासताका बाकी नोर सोतकु मंळसा जतिता आगीदील. ईद रा पयला पुनरूत्थान हुन. <sup>6</sup> धन्य अदकि पवत्तिर आव आन, जो ई पयला पुनरूत्थान इन भागी आर. हगिरु मा

दुसरा मृत्यु उन यातोदु अधिकार हैलेच, पर आंदुर परमेश्वर अदकि मसीह अनन्द याजक आदार अदकि आऊन सांगुळ हजार साल ताका राज्य माळ्यार.

### शैतान उन वनिश

7 याग हजार साल पुरा आगेदव रा शैतान कैद टु बळिसुसकु आगेदान. 8 अद आ जातीगोळी जो धरती इन नाकु दी ईत्तीत, मतलब गोग अदकि मागोग इक यऊर्द गनिती समुद्र अनन्द गागरा अनन्द बराबर ईत्तीत, भरमुसकु लळाई इन साटी जमा माळली होट्टीत. 9 अव सप्पा धरती मा फैलुसकु पवतिर लाँकुरद छावनी अदकि प्रयि नगर इक घेरस बुट्टाव; अदकि बेक्की स्वर्ग टु ईळुकु आंदरी भसम माळीत. 10 आंदुरद भरमुसावाळा शैतान बेक्की अदकि गन्धक इन आ झील दा, यदुर दा आ पशु अदकि ख्वाटा भवषियवक्ता भी ईत्तान, हाकसुसकु आदार; अदकि आंदुर ईळ्लक हागुल हमेशा हमेशा दुख दा तळपुळस्त ईत्तार.

### आखरी न्याय

11 बाक ना ऊंद धोळ बळीद सहासन अदकि आऊक, जो अदुर मा कुरतकु आन, नोळदीन; आऊन मुंद टु पृथ्वी अदकि आकाश ओळदव, अदकि आंदुर साटी जागा सकिदील. 12 बाक ना स्याणेर धोड्डेर सब सोतकु मंळसागोळ इक सहासन इन मुंद नीदुरकु नोळदीन, अदकि कतिबगोळ खोल्सकु आदव; अदकि बाक ऊंद मात्त कतिब खोल्सकु आत, मतलब जीवन इन कतिब; अदकि ह्यांग आ कतिबगोळ दा लखिसकु ईरोद, हांग अच आंदुर क्याल्सागोळ्द अनुसार सोतकु मंळसागोळ्द न्याय माळकु आत. 13 समुद्र आ सोतकु मंळसागोळ इक जो अदुर दा ईरव कोट बुळ्त, अदकि मृत्यु अदकि अधोलोक आ सोतकु मंळसागोळ इक जो अदुर दा ईरव कोट बुळ्त; अदकि आंदुर दा टु हर ऊंद मंळसा अक आंदुर क्याल्सागोळ अनन्द अनुसार आंदुर

न्याय माळकु आत. 14 मृत्यु अदकि अधोलोक बेक्की इन झील दा हाक्कु आदव. ईद बेक्की इन झील दुसरा मृत्यु हुन; 15 अदकि यारदारा हेसुर जीवन इन कतिाब दा लखिसकु सकितीदील, आव बेक्की इन झील दा हाक्कु आदुन.

## 21

व्हाशोद आकाश अदकि व्हाशोद पृथ्वी

1 ✨बाक ना व्हाशोद आकाश अदकि व्हाशोद पृथ्वी इक नोळदीन, यतकी पयला आकाश अदकि पयला पृथ्वी होगतेला ईरोद, अदकि समुद्र भी ईतीदील. 2 ✨बाक ना पवतिर नगर व्हाशोद यरूशलेम इक स्वर्ग टु परमेश्वर उन हात्ती टु ईळुतेला नोळदीन. अद आ मंळगीत इन घाई ईरोद जो तान गांडु उन साटी सगार माळकु आर. 3 बाक ना सहिसन दा टु यावारा अक धोळ शब्द देल ईद अनतेला केळदीन, “नोळ, परमेश्वर उन ड्यारा मंळसागोळ्द न्याड्या दा आद. आव आंदुर सांगुळ ड्यारा माळ्यान, अदकि आंदुर आऊन लाँकुर आदार, अदकि परमेश्वर खुद आंदुर सांगुळ ईत्तान अदकि आंदुर परमेश्वर आदान. 4 आव आंदुर कण्णगोळ देल सप्पा नीर सट्टि कौडान; अदकि इदुर बाददा मृत्यु ईला ईत्तीत, अदकि न शोक, न वलाप, न पीळा ईत्तीत; पयला मातगोळ होगतेला ईत्तव.”

5 जो सहिसन मा कुर्तकु ईरोन, आव अंदुन, “नोळ, ना सब येनारा व्हाशोद माळकु कोळतीन.” बाक आव अंदुन, “लखिस कोम, यतकी ईव वचन वशिवास इन योग्य अदकि सत्य आव.” 6 बाक आव नान से अंदुन, “ईव मातगोळ पुरा आगेग्याव. ना अल्फा अदकि ओमेगा, पयला अदकि आखरी हुईन. ना प्यासा अक जीवन इन नीर इन झरना दा टु फुकट दा कुडोद अधिकार कोळाईन. 7 जो वजिय आदान आवा ई वस्तुगोळ्द वारीस

आदान, अदकि ना आऊन परमेश्वर आगाईन अदकि आव नान पार आदान. <sup>8</sup> लेकीन डरपोकगोळा, अदकि अवशिवासीगोळा, अदकि नीच हरकत माळावाळेरा, अदकि हत्या माळावाळेरा अदकि व्यभिचारीगोळा, अदकि जादू टोना माळावाळेरा, अदकि मूर्त्ति इन पुजा माळावाळेरा, अदकि सब ख्वाटा मातगोळ्द भाग आ झील दा सकिकीत जो बेक्की अदकि गन्धक देल होततेला ईरतद: ईद दुसरा मृत्यु हुन.”

### व्हाशोद यरूशलेम

<sup>9</sup> बाक आ येळ स्वर्गदूतगोळ हात्ती येळ आखरी परेशानी देल तुमकु येळ कटोरागोळ ईरव, आंदुर दा टु ऊंद नान हात्ती बंदुन, अदकि नान सांगुळ मातगोळ माळकु अंदुन, “ईल बर, ना नीनी मळगीत मतलब म्यांडा अन्द पाड्डा अन्द हगिस तोरसाईन.” <sup>10</sup> आग आव नानी आत्मा दा ऊंद धोळ अदकि ऊँचा पहाळ मा ओतुन, अदकि पवतिर नगर यरूशलेम इक स्वर्ग टु परमेश्वर उन हात्ती टु ईळुतेला तोरसदुन. <sup>11</sup> परमेश्वर उन महमि आंदुरदा ईरोद, अदकि आऊन ज्योतिहापाळ अच कमिती कल्ल, मतलब बलिलौर इन घाई यशब उन घाई स्वच्छ ईरोद. <sup>12</sup> आऊन दवार शयरपनाह धोळ ऊँचा ईरोद, अदकि आऊन हन्नेळ फाटक अदकि फाटकगोळ मा हन्नेळ स्वर्गदूत ईरोर; अदकि आ फाटकगोळ मा इस्त्राएलीगोळ्द हन्नेळ गोत्रगोळ्द हेसुर लखिसकु ईरव. <sup>13</sup> पूर्व दशा अन दी मुर फाटक, उत्तर दशा अन दी मुर फाटक, दक्षिण दशा अन दी मुर फाटक, अदकि पश्चिम दशा अन दी मुर फाटक ईरव. <sup>14</sup> नगर इन दवार इन शयरपनाह अन्द हन्नेळ नीवगोळ ईरव, अदकि अदुर मा म्यांडा अन्द पाड्डा अन्द हन्नेळ प्रेरतिगोळ्द हन्नेळ हेसुर लखिसकु ईरव. <sup>15</sup> जो नान सांगुळ मातगोळ माळोन आऊन हात्ती नगर अदकि आऊन फाटकगोळ अदकि आऊन शयरपनाह अक आळोर साटी ऊंद व्हान्ना अन्द गज ईरोद. <sup>16</sup> अद नगर वर्गाकार

बसुस्कु ईरोद अदकि अदुर्द लंबाई, चौळाई इन बराबर ईरोद; अदकि आव आ गज देल नगर इक आळदुन, रा साढे येळ सौ कोस इन होळ्तः अदुर्द लंबाई अदकि चौळाई अदकि ऊँचाई बराबर ईरोद. 17 आव आऊन शयरपनाह अक मंळसा अन्द मतलब स्वरगदूत उन नाप देल आळदुन, रा ऊंद सौ चौवालीस कय होळ्त. 18 आऊन शयरपनाह यशब इन बन्सकु ईरोद, अदकि नगर हगि शुद्ध व्हान्ना अन्द ईरोद जो स्वच्छ काँच इन घाई ईरूल. 19 आ नगर इन नीवगोळ हर प्रकार इन कमिती कल्लगोळ देल सवारस्कु ईरोद; पयला पायवा यशब देल, दुसरा नीलमणी देल, तीसरा लालळी देल, चौथा मरकत देल, 20 पाचवा गोमेदक देल, सहावा माणकिय देल, सातवा पीतमणी देल, आठवा परोज देल, नववा पुखराज देल, दसवा लहसनणि देल, ग्यारवा धूम्रकान्त देल, अदकि बारवा चन्द्रकाँत मणी देल बन्सकु ईरोद. 21 हन्नेळु फाटक हन्नेळ मोतीगोळ्द ईरव; ऊंद ऊंद फाटक ऊंद ऊंद मोती इन माळकु ईरोद. नगर इन सळक स्वच्छ काँच इन घाई शुद्ध व्हान्ना अन्द ईरोद.

22 ना अदुर्दा यातोदु मंदरि नोळीदील, यतकी सर्वशक्तमान प्रभु परमेश्वर अदकि म्यांडा अन्द पाड्डा अदुर्द मंदरि आद. 23 आ नगर दा सुर्य अदकि चंद्रमा अन्द ऊजुळ इन जरवत हैलेच, यतकी परमेश्वर उन तेज देल अदुर्दा ऊजुळ आगेत्याद, अदकि म्यांडा अन्द पाड्डा आऊन दगिया हुन. 24 जाती-जाती इन लॉकुर आऊन ज्योती दा नळुकु वयाळ्यार, अदकि पृथ्वी इन राजा तान तान तेज इन सामाईन अदुर दा तंदार. 25 आऊन फाटक हागुल इक यागलु बंद आगतीदील, अदकि ईळलक अल आगतीदील. 26 लॉकुर जाती जाती इन तेज अदकि वैभव इन सामाईन अदुर दा तंदार. 27 लेकीन अदुर्दा यातोदु अपवतिर वस्तु या बेकार क्यालसा माळावाळा, या ख्वाटा मात्तगोळ गढुसावाळा यातोदु रीति



देल प्रवेश माळ सकालुन, पर सर्रिफ आ लॉकुर यार हेसुर म्यांडा अन्द पाड्डा अन्द जीवन इन कतिाब दा लखिसकु आव.

## 22

1 बाक आव नानी बल्लौर इन घाई झलकुसतेला, जीवन इन नीर इन गांगा तोरसदुन, जो परमेश्वर अदकि म्यांडा अन्द पाड्डा अन्द सहिसन टुहोटकु<sup>2</sup> आ नगर इन सळक इन न्याड्या वाहुसोद. गांगा अन ईप्पाटी अदकि आप्पाटी जीवन इन मार्र ईरोद; अदुरदा हन्नेळ प्रकार इन काय हत्तव, अदकि अदरी हर तगिुळ काय हत्तव; अदकि आ मार्र इन याल्लागोळ देल गैर यहूदी लॉकुर चंगा आगतोगोर.

3 बाक श्राप आगतीदील, अदकि परमेश्वर अदकि म्यांडा अन्द पाड्डा अन्द सहिसन आ नगर दा ईत्तीत अदकि आऊन दास आऊन स्यावा माळ्यार. 4 आंदुर आऊन बाय नोळ्यार, अदकि आऊन हेसुर आंदुर ह्याणागोळ मा लखिसकु ईत्तीत. 5 बाक ईळलक आगतीदील, अदकि आंदरी दगिया अदकि सुर्य अन्द ऊजुळ इन जरवत बळितीदील, यतकी प्रभु परमेश्वर आंदरी ऊजुळ कोट्टान, अदकि आंदुर हमेशा हमेशा राज्य माळ्यार.

### यीशु उन दुबारा बरोद

6 बाक आव नान से अंदुन, “ईव मातगोळ वशिवास इन योग्य अदकि सही आव. प्रभु, जो भवषियवक्तागोळ आत्मागोळ्द परमेश्वर हुन, तान स्वर्गदूत उक इदुरसाटी कळुदुन की तान दासगोळी अव मातगोळ, यदुर राटनेरी पुरा आगोद जरूरी आद, तोरस्यार.”

7 “नोळ, ना राटनेरी बरावाळा आईन! धन्य आन आव, जो ई कतिाब इन भवषियवाणी इन मातगोळ मान्सतान.”

8 ना आवा यूहन्ना हुईन, जो ईव मातगोळ केळीन अदकि नोळतोगीन. याग ना केळदीन अदकि नोळदीन, रा जो स्वर्गदूत

नानी ईव मातगोळ तोरसतोगोन, ना आऊन कालगोळ मा प्रणाम माळोर साटी बदिदीन. 9 लेकीन आव नान से अंदुन, “नोळ, हगि माळबाळ; यतकी ना नीन, अदकि नीन वार्ट भवषियवक्तागोळ, अदकि ई कतिब इन मातगोळ इक मान्सावाळेरुद संगी दास हुईन. परमेश्वर उक अच प्रणाम माळ.” 10 बाक आव नान से अंदुन, ई कतिब इन भवषियवाणी इन मातगोळी बंद माळबाळ; यतकी समय हात्ती आद. 11 जो अन्याय माळतान, आव अन्याय अच माळतेला ईरूल; अदकि जो मलनि आन, आव मलनि बन्सकु ईरूल; अदकि जो न्यायी आन, आव न्यायी बन्सकु ईरूल; अदकि जो पवतिर आन; आव पवतिर बन्सकु ईरूल.

12 “नोळ, ना राटनेरी बरावाळा आईन; अदकि हर ऊंद मंळसा अन्द क्याल्सा अन्द अनुसार मोहबदला कोळोर साटी प्रतफिल नान हात्ती आद. 13 ✧ना अल्फा अदकि ओमेगा, पयला अदकि आखरी, पयले टु अदकि अन्त हुईन.

14 “धन्य आंदुर आर, जो तान कपळा ओगु कोमतार, यतकी आंदरी जीवन इन मारर इन हात्ती बरोद अधिकार सक्कीत, अदकि आंदुर फाटकगोळ देल आगकु नगर दा प्रवेश माळ्यार. 15 लेकीन नायगोळ, अदकि टोना माळावाळेर, अदकि व्यभचारी, अदकि खुनीगोळ अदकि मूर्तइन पुजा माळावाळा, अदकि हर ऊंद ख्वाटपन इक चाहसावाळा अदकि घळुसावाळा व्हार्या ईत्तान.

16 “नानी यीशु तान स्वर्गदूत उक इदुरसाटी कळुदुन की नीम मुंद मंडलीगोळद बारा दा ई मातगोळद गवाही कोळुल. ना दाऊद उन मुल अदकि वंश, अदकि व्हातुर इन चमकुसतेला तारा हुईन.”

17 आत्मा अदकि मंळगीत येद्धु अंतार, “बर!”

अदकि केळावाळा भी अंदान, “बर!”

जो नीरळ्कु ईतीदान आव बरूल, अदकि जो यावारा चाहासतान आव जीवन इन नीर फुकट दा ताकोमुल.

### समापन

18 ना हर ऊंद मंळसा अक, जो ई कतिाब इन भवषियवाणी इन मातगोळ केळतान, गवाही कोळतीन: अगर यावारा मंळसा ई मातगोळ दा येनारा वाळुस्यान रा परमेश्वर आ परेशानीगोळ इक, जो ई कतिाब दा लखिसकु आव, आऊन मा वाळुस्यान.

19 अगर यावारा ई भवषियवाणी इन कतिाब इन मातगोळ दा टु येनारा तेगु कोंडान, रा परमेश्वर आ जीवन इन मारू अदकि पवत्रि नगर दा टु, यदुर्द वर्णन ई कतिाब दा आद, अदुर भाग तेगु कोंडान.

20 जो ईव मातगोळ्द गवाही कोळतान आव ईद अनतान, “हव, ना जल्दी बरावाळा आईन.” आमीन.

हे प्रभु यीशु बर!

21 प्रभु यीशु उन अनुग्रह पवत्रि लॉकुरद सांगुळ ईरूल. आमीन.

परमेश्वर उन खरा वचन  
**The Holy Bible in the Holiya language of India:** परमेश्वर  
उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन  
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6